

დასავლეთი საქართველო

ს ა ქ ა რ თ ვ ე ლ ო ს პ ო ლ ი ტ ი კ უ რ ტ ი პ ა რ ტ ი ე ბ ი ს ო რ გ ა ნ ო .

შ ი ნ ა ა რ ს ი :

მეთაური—რუსეთ-საფრანგეთის პაქტი.
 რედაქტორი—გლოვის დღე.
 ილ. ნუცუბიძე—მონობის სამეფოში.
 X. X.—განახლებული ირანი.
 იაპონია და ჩინეთი.
 ქართველთა დღესას. შორეულ აღმოსავლეთში.

ნაური—წერილი ამერიკიდან.
 საქართველოს საკითხი.
 ქართველ მანდილოსანთა კეთილი საქმე.
 ს. ასათიანი—საყურადღებოდ.
 X.—ქართველ მწერ. და ჟურნ. ასოციაც. კრება.
 პრესა. და სხვ.

ა რ უ ს ე მ - ს ა ზ რ ა ნ გ ე მ ი ს კ ა ძ ტ ი

ერთმა იუმორისტულმა კვირეულმა დასწერა: პაქტის მომხრენი და მოწინააღმდეგენი თუ დაობენ, ერთში მაინც თანახმანი არიან—ეს იმაში, რომ არც ერთს არ გაეგება ის! საფრანგეთის პალატამ არაჩვეულებრივ დიდი დრო მოანდომა მას; არაფერ იცის, რამდენს მოანდომებს სენატი, პრესა ხომ არ ეშვება მას, და დასკვნა კი ისე ბუნდოვანია, რომ თვითონაც არ იციან, სამშვიდობო თუ საომარ საქმეს აკეთებენ!

რატო იტყვიან, ყოველ შემთხვევაში, წინასწარ გადაწყვეტილია; სხვათა შორის, ამისთვის დასცეს ლავალის კაბინეტი და მისმა მემკვიდრემ, საროს კაბინეტმა, არ დააყვანა პაქტის წეს-რიგში დასმა. მაგრამ საინტერესო ისაა, რომ პაქტის მომხრენი სწორედ ლავალის მიერ ზედ დართულ ოქმს ებღაუჭებიან, რათა რატო იტყვიან ძალიან უმანკო ფორმალობად დასახონ.

მართლაც, ლავალის ოქმი, რომელსაც იგივე ძალა აქვს, რაც თვითონ პაქტს, არსებით შეზღუდვებს შეიცავს. მოსკოვს სურდა, მაგალითად, რომ საფრანგეთი მიშველებოდა ავტომატიურათ, როგორც კი მესამე სახელმწიფო დაესხმოდა მას თავზე. ოქმი კი მოითხოვს ჯერ ერთა ლიგის საბჭოს მსჯავრს იმაზე, თუ რამდენათ უმიზეზო იყო თავდასხმა და ამის-და მიხედვით შესაფერ ზომების მიღებას. იმ შემთხვევაში, თუ საბჭომ ვერ დასდო ერთსულოვანი მსჯავრი, მხოლოდ მაშინ შეუძლიათ პარიზს და მოსკოვს თვითონ გადასწყვიტონ ეს კითხვა

და დაეხმარონ ერთმანეთს. ამ შეზღუდვით საფრანგეთი ცდილობდა, რომ ლოკარნოს პაქტი დარღვეულად არ გამოეცხადებინათ მის თავდებთ: ინგლისს და იტალიას. ამის გარდა, ოქმი არ ავრცელებს პაქტის ძალას აზიაზე, ე. ი. საფრანგეთი არ კისრულობს დახმარებას, თუ საბჭოთა კავშირს ომი მოუხდა იქ. დახმარება, იმავე ოქმის თანახმად, ევროპაშიც მაშინაა სავალდებულო, თუ მტერმა ფაქტიურათ გადალახა ერთი მათგანის საზღვრები.

ამრიგათ, თითქო დიდი სიფრთხილვა გამოჩენილი, პაქტის მიზანია თავდაცვა და არა თავდასხმა — გაიძახიან მისი მომხრენი—და დასძენენ, გერმანიისათვის კარები ღიათ არის დატოვებული, როცა მოისურვებს, შეუძლია შემოგვიერთდეს. გერმანიას არ აკმაყოფილებს ეს განცხადება, პირიქით, ის მიუგებს—თქვენ ლოკარნოს პაქტს არღვევთ.

ჩვენ ვერ შევალთ ამ დავის განხილვაში, მაგრამ ერთი მაინც თითქო ცხადია—ეს ის, რომ რუსეთ-საფრანგეთის პაქტი ევროპის საგარეო პოლიტიკის ძირითად შეცვლას მოასწავებს. დიდი ომის შემდეგ ევროპა ავით თუ კარგათ ცდილობდა ახალი ხანის აღებას, პუნაქარე-კუნოს ხანა ზრიან-შტრეზემანის ხანამ შესცვალა, ამას მოჰყვა ლოკარნოს პაქტი, გერმანიის ერთალიგაში შესვლა, რეპარაციის დღიურ წეს რიგიდან ამოგდება, ევროპის ფედერაციის გეგმა, განიარაღების კონფერენცია... როგორი მწარე ირონიად გვეჩვენება დღეს ყველა ამებების უბრალო



ჩამოთვლა! მერე არ იკირხავთ, ვინ იყო ამ ახალი ხანის გამტარებელი, ვინ იჩემებდა ბრიანს თავის გმირად? სწორედ ისინი, ვინც დღეს მის პოლიტიკას მარხავენ, ეგრედ წოდებულ ხალხოსნურ ფრონტში შემავალი პარტიები!

ასეთ ბრწყინვალე ეფექტს ალბათ თვით მოსკოვიც არ მოელოდა. მან მისცა სწორეთ საფრანგეთის მემარცხენეთ ეს იდეა, ჯერ კომუნისტები და სოციალისტები შერიგდნენ, შემდეგ მათ ჩაითრიეს რადიკალური ხალხოსნურ ფრონტში, და ყველანი ერთად მიხნად ისახავენ არა იმდენათ ქვეყნის დაცვას, რამდენათ ფაშისტთან ბრძოლას, რომელიც არსებობს არა საფრანგეთში, არამედ მის გადაღმა! კომუნისტები და ბოლშევიზიანი სოციალისტები უფრო შორსაც მიდიან: მათ სურთ «ერთად ერთი სოციალისტური ქვეყანა» დაიცვან, უამისოთ რეაქცია გაბატონდება ქვეყნიერებაზე, საბჭოთა ბატონობა კი წმინდა წყლის რევოლუცია ყოფილა!

იურისტებს კიდევ შეუძლიათ, რა თქმა უნდა, ბევრი იჩხირკედელაონ პაქტის უვნებლობაზე, ოქმის რეზერვებზე, როგორც ამას სჩადიოდა მომხსენებელი ტორესი პალატაში, მაგრამ კითხვას სწევტს არა იურისტრუდენტია, არამედ მთავრობა და, თუ აპრილ-მაისის არჩევნებში ხალხოსნურმა ფრონტმა გაიმარჯვა, რაც თითქო გარდაუვალა, მაშინ ცხადია, როგორ მოიხმარს მისი მთავრობა მოსკოვთან დადებულ პირობას. ფრონტის ზოგიერთმა წევრმა კიდევ იგრძნო, რამდენათ საბედისწერო იყო მათი ნაბიჯი, მაგრამ საარჩევნო კამპანიის მოახლოვებამ და მანდატის დაკარგვის შიშმა ვერ შეაჩერა ისინი მის გადადგმისგან.

ამრიგათ, დიდი ომის აღრინდელი ვითარება თითქო ახლად იჩეკება: ორ ბანაკად ირახმება ევროპა. ჯერ არა სჩანს ნათლად, ვინ შედის ერთში ან მეორეში, მაგრამ ზოგიერთნი უკვე ვიცით. საფრანგეთი და რუსეთი უკვე ერთ ბანაკში არიან და ორივეს იმედი აქვთ, რომ ინგლისიც მათ შეუერთდება. ასეთი დასკვნა გამოკყავთ ლიტვინოვის «მხურვალე» მიღებიდან ლონდონში: მას მთელი საათი ებაასა მეფე ედუარდ მერვე, საგარეო მინისტრმა იდენმა კი ჩინებულათ გადაუხადა მოსკოვში გამასპინძლება. «მარშალ» ტუხაჩევსკის შეხვედრა სამხედრო პირებთან კიდევ სხვა იყო. ამბობენ, ინგლისს აფიქრებს გერმანიის გაძლიერებული შეიარაღება და იპაპონის ექსპანსია...

მეორე ბანაკში ჯერ მარტო გერმანიაა, მაგრამ, მიუხედავათ დემანტებისა, დაყინებით იმეორებენ იპაპონის სამხედრო კავშირი აქვს მასთან, და შო-

რულ აღმოსავლეთში ხომ ისევ იწყება საომარი ციებ-ცხელება. ბევრს სწერენ იმაზედაც, რომ იტალია ისევ უახლოვდება გერმანიასო, განსაკუთრებულ დესპანების მიმოსვლა მართლა ძალიან განშიორდა მათ შორის.

ჩვენ დავასახლეთ ექვსი დიდი სახელმწიფო, მეზვიდე—შეერთებული შტატები—ხელს იბანს ჩვეულებრივ, სანამ, შეიძლება, ისევ არ ჩარევას force majeure; დაგვრჩა მერვე—პოლონეთი, რომელიც სულაც არ არსებობდა 1914 წელს და დღეს კი პირველხარისხოვან როლს თამაშობს ევროპის ყველაზე ნევრალგიულ მიჯნაზე.

პოლონეთს სამხედრო კავშირი აქვს საფრანგეთთან და ჩვენ არაერთხელ გვითქვამს ამავე ადგილზე, რომ ის გადამწყვეტ როლს ითამაშებს საფრანგეთის დაახლოებაში გერმანიასთანთქო, იმედი არ გაგვიმართლდა, ამის მოწმეა რუსეთ-საფრანგეთის პაქტი! საფრანგეთის პალატაში ხშირად ამშვიდებდნენ პოლონეთს, მისთვისაც კარი ღიააო; თუმცა თვითონაც არ სჯეროდათ, რომ ის შეადგამს იქ ფეხს. პოლონეთი მეგობრულ განწყობილებაშია გერმანიასთან და მას არ შეუძლია მონაწილეობა მიიღოს უკანასკნელის ალყის შემორტყმაში, მოსკოვის პაქტი სწორეთ ამ მიხანს ისახავს და ფრანგი კომუნისტები და სოციალისტები, ამის გარდა, მწყურალათ არიან პილსუდსკის პოლონეთთან.

რისთვის შეეკრა პოლონეთი გერმანიას მეგობრობის და თავდაუხსმელობის პირობით? იმისთვის, რომ ლოკარნო ისე არ აზღვევდა მის საზღვრებს, როგორც საფრანგეთისას, მაგრამ უფრო ადრე ის შეეკრა საბჭოთა კავშირსაც, როგორც თვითონ საფრანგეთი. რად დასჭირდა უკანასკნელს ძველი ალიანსის აღდგენა? განა მისი საზღვრების დასაცავათ საკმარისი არ იყო ლოკარნო და ზედ დართვით სამხედრო კავშირი პოლონეთთან? საფრანგეთს სამხედრო კავშირი აქვს მცირე ანტანტასთან და აი, ვინ მოახვია მას თავზე რუსეთთან დაკავშირება! ასეა, ვერსალის ზავი ჯერ კიდევ სწამლავს ჰაერს, არავის უნდა დასთმოს ცოტა რამ იქიდან, რაც მას მიათვისა გამარჯვებამ, მზათ არიან იომონ, თუ გინდ უფრო დიდიც დაჰკარგონ. მასარიკის ბენეშით შეცვლა კიდევ უფრო აძლიერებს პაქტომანიას, რადგან სწორეთ ჩეხოსლოვაკიის დღევანდელი პრეზიდენტი შეეკრა პირადათ კრემლს, საიდანაც სლავიანოფილური ჰანგები გაისმა. დღეს კიდევ მზგავსი ჰანგები გაისმის იქიდან, იწყეს რუსის ერის რეაბილიტაცია, მისი ხოტბა, სლავიანთა წინამძღოლობა...



პოლონეთი გადაჭრით უკუუგდებს ამ წინამძღოლობას; იუგოსლავია ცოცხურჩულობენ სალონებში, ბულგარია, დიდი უკრაინა, თავის თავად ცხადია. საკვირველია ერთი რამ: საფრანგეთის სამხედრო სპეციალისტები ერთხმად აღიარებენ პოლონურ ჯარის უმაღლეს ღირსებებს, მაშინ როდესაც პოლიტიკოსები წითელი ჯარის «ძლიერებით» დამთვრალნი არიან! ერთი სრულიად სერიოზულად არწმუნებდა ყველას პალატის ტრიბუნლიდან, ეს ჯარი უძლევიყო, მისი რაოდენობა, ზავის დროს, 940 ათასიდან მილიონ 300 ათასამდე აიყვანესო. მან არ დაივიწყა, რა თქმა უნდა, საბჭოთა კავშირის მცხოვრებთა რაოდენობაც: 170 მილიონ ხალხთან კავშირი ხუმრობა როდიაო.

ჩვენ ვიცით ამ ციფრების ღირებულება, არა ერთხელ გვიწერია ამაზე და გვიკითხავს, მაშ რად ეშინია ასეთ ძლიერ სახელმწიფოს, რად ეძებს ასე გაშმაგებით მოკავშირეთ? სტალინმა იცის ეს, ერთი კი არ იცის, ან, შეიძლება, ორივემ იცის, გაუბრბიან მხოლოდ საჯაროთ მხილებას. მაგრამ, როცა ერთი აცხადებს: თუ რუსეთი ჩვენთან არ იქნა, ის გერმანიასთან იქნებოდა, ამით ამეღავენებს უკვე, როგორ მოკავშირესთან აქვს საქმე: ვინც მეტს მისცემს, ვინც გადაარჩენს დამხობისგან, იმასთანაა.

მერმე, განა შეუძლიათ გადაარჩინონ ეს ახმახი, თუ ომში ჩაებენ? წარსული მაგალითებიც რომ არ იყოს, განა ისედაც ცხადი არაა, რომ ეს იმედი ყინულზეა დაწერილი? მაგრამ მოსკოვი გამოელის მეორეს, და ეს უკვე წამოიყრანტალა მისმა ქვეშევრდომმა პერიმ პალატაში: ევროპის კაპიტალიზმის დანარცხება—აი, ჩვენი სადღეისო მიზანია. ამაში თითქო არ ცდებიან, თუ საყოველთაო ხანძარი გაჩნდა.

გ ლ ო ვ ი ს დ ე მ

თუთხმეტი წელი შესრულდა, რაც საქართველოს თავისუფლება მოსტაცეს, მონობის უღელი დაადგეს და მისი კერა ტანჯვითა და ცრემლებით აავსეს. თუთხმეტი წელიწადია, რაც მოსკოვმა თებერვალი შავ თვეთ გადაუქცია, გლოვის და მწუხარების სიმბოლოთ გაუხადა. მაისში გაშლილი თავისუფლების ვარდ თებერვალში დაიბზარა, მურტალი ხელით მოიგლიჯა და რუსის ჩეკებით გაითვლა.

ქართველ ერს არაერთხელ უნახავს უცხო მოძალადეთა შემოსევა; განუცდია რბევა და აწიოკება, მაგრამ მას არასოდეს უნახავს ის საშინელი ტანჯვა და აზხრება, რაც ეგ თუთხმეტი წელია მას თავს ადგია. თუთხმეტი წელია საქართველოს სიმდიდრე ნადგურდება, მისი სულიერი და ნივთიერი საუნჯე ნივდება. ქართველი საქართველოდან იდევნება,

იმის თავდადებულ შვილთა უღევი რიგები რუსეთის ცივ კუთხეებში ირეკება; მის მიწა-წყალზე გადამითელი ბანაკდება.

მოსკოვის თებერვალს ზეიმობს; საქართველოში გაბატონებული რუსი ერის უბედობით მხიარულობს. მტრის ბანაკში ქეიფია—ერის გულში კი ბოღმა და სიძულვილი. დღეს საქართველოს გარეწარნი ბერია-მხახრადები სტალინთან მილოცვის დეპეშასაც აფრენენ, ერის თავისუფლების დამარხვას ახარებენ და სამაგიეროდ ქართველი ერის წყევლასთან ერთად მოსკოვის მადლობას დაიმსახურებენ.

მგლოვიარე საქართველო კი ამ დღეს მწარე სიჩუმით, ალესილი ბრაზით ეგებება. მის მართლვარე ბაგედან ჩუმი წყევლა და კრულვა გაისმის. სადღაც ჯურღმულებში, ნესტიან სარდაფებში ქართველი დედის ქეთინი დაბუდებულა. დაპყრობილ ერს აშკარა გლოვის და ტირილის უფლებაც წართმევია. ქუჩაში დაღვრემილი სახით გავლა შემოსულ მტერს პროტესტის მამარ გამოსახვით ეჩვენება. გაძარცულ, განადგურებულ საქართველოდან სიცილს მოითხოვენ. და... საქართველოც «იციინს»—მწარე ნაღვლიანი სიცილით მომავლის იმედს ეაღერსება; თერთ კბილებს აჩენს და სამტრო ფიქრებს გულში იმარხავს.

საქართველო ამ მეფუთხმეტე წელსაც ისე მტკიცედ დგას თავის უფლების სადარაჯოზე, როგორც წინედ—დაპყრობის პირველ დღეს, საშინელ ტანჯვამ, აწიოკებამ მისი ნებისყფა ვერ შეარყია; ვერ გასტეხა მისი მთლიანობა და თავდადება. მართალია მას წართვეს თავისუფლება, მაგრამ ვერ დაიმორჩილეს; მართალია ის დამარცხდა უსწორო ბრძოლაში, მაგრამ ვერ დაიმონეს, ყურმტპრილ ყმათ ვერ გაიხადეს.

მან კარგად იცის, განკითხვის უამი დადგება; შემოსულ მტრის ნიაღვარი ერთხელაც არის მის კუთხეებს მოსწყდება და უკუნეთში ჩაესვენება. მზე გამოანათებს თავისუფლების თავისუფლების ყვაველები კვლავ გაიშლებიან.

აბავინ არც იცის, რომ მოსკოვს ციებ-ცხელება აქვს გამჯდარი; მის წინამდევ მომართული სამტრო ტალღის აზის ველებიდან, რომ მოიგრაგნებიან, მას ძილს უფრთხობენ და მაშველის საქებრად კომუნისტური კრემლი კაპიტალიზმის კალოთებზე დამხობილა. გუშინდელი «მესაფლავე» მის მიერ დასამარხად გამოცხადებულს შველას ემუდარება. ქოფაკისაგან დაფრთხალი მეგელი ხსნას მეცხვარისაგან გამოელის.

ტყვილი იმედია! განწირულ მოსკოვს და საქართველოს ჯალათს სტალინს ვერ იხსნის კაპიტალისტურ სახელმწიფოებთან დაქორწინება. მისი ნგრევის და აღსასრულის დღეები თვით რუსეთიდან მოდის. განსჯის ძალები უკვე პორიზონტზე მოსხანან. ხალხის რისხვას რომ გადაურჩეს, წითელ მარშლებს ვერსად წაუვა.

თვითელი წელი მტრის აღსასრულს აანლოვებს.—ჩვენს თავისუფლებას ხელშესახებად ხდის. მხოლოდ საქირთა მოსალოდნელ ამბებს მომხადებულნი შევხვდეთ, მისი შესაძლებლობანი გავითვა-

ლისწინათ და გამოვიყენოთ. წუთიერ გრძობებს არ ავყვეთ და ერის ბედი საეგებიო ანგარიშში არ ჩაეაგდოთ.

თებერვალმა გვიმუხთლა, მაგრამ გამარჯვების და აღდგომის დღე წინ გვიდევს. მომავალი ჩაგრულთ ეკუთვნის და პირველ რიგში რუსეთის დაპყრობილ ერებს. ამ უკანასკნელთა ჩაქედვა, სამუდამოდ დამაგრება საბჭოთა საპყრობილის დამპალ ბუეებს არ ძალუძს. მათ შეერთებულ იერიშის წინაშე ის უნდა დაინგრეს მზგავსად ავსტრო-უნგრეთის და ოტომანის იმპერიებისა. ამ ნგრევის ტალღები მოსკოვს კარებზე უკაკუნებენ, მის შესანგრევად იქოჩრებიან. შორს არ არის ის დრო, როდესაც რუსეთის სივრცეზე აიშლებიან ისტორიის უტენი ძალები და მის პირიდან აღიგვებიან ტანჯვის, მონობის და ხალხთა აწიოკების შავი მოციქულები. ქართველ ერს დღეს უფრო, ვინემ ოდესმე, სჭირია ფოლადის სიმტკიცე, ნგრევის სიმაგრე და ფხიზელი გონება. მისი სულიერი სიმშვიდე ვერ უნდა შეარყიოს მტრის დღევანდელმა ზეიმმა; ის არ უნდა ჩააგდოს სასოწარკვეთილებაში დღევანდელმა სიდუხჭირემ. უნდა გვახსოვდეს—მტერი ვულკანზე ცეკვაობს, მისი აფეთქება მხოლოდ დროს საქმეა.

15 წელია იტანჯება საქართველო და მასთან ერთად გმინავს მთელი კავკასია, ბობოქრობს უკრაინა; მტრებზედ ვარჯიშობს თურქესტანი; კბილებს ილესავს ყახახობა და რუსეთის თვალუწვდენელ ველებზე ამოძრავებულა ჩაგრულ ერთა ლეგიონები. გულის გასატენი არაფერი გვაქვს. ჩვენი ძალები იზრდება, ჩაგრულ ერთა კავშირი ძლიერდება და ფოლადის მუშტად იკუმშება.

მტერი ზეიმობს,—ჩვენ ტანჯვაში ვფოლადდებით. განკითხვის უამი ახლოვდება; მას ვერ შეაჩერებს ადამიანის მუხანათობა, მტარვალის ზვიადობა. ის ჩვენთვის ხსნაა; მტრისათვის—გათხრილი საფლავია.

რღსტომი.

გ ო რ ბ ი ს ს ა მ ე შ ო შ ი

ცხოვრებას თავისთავად აზრი არ აქვს, იგი ბრმა და უგულო. მისთვის სულ ერთია ადამიანი და ჯიანჭველი, სახარის ქვიშიანი გახურებული მიდამოები და მწვანე ხავერდით დაფენილი, ყვავილოვანი მთამდელოები. თავის დაუსაბამო და უბოლო სრბოლაში იგი მექანიურად, უანგარიშოდ კჰმნის და არღვევს უთვალავ სახეთა უთვალავ კომბინაციებს. ეს კომბინაციები თავისთავად არც მოსაწონია და არც დასაწუნი. არც პროგრესიული და არც რეგრესიული. მხოლოდ ადამიანი აქტიური, მიზანშეწონილი ჩარევით აძლევს მათ სუბიექტიურ ღირებულებას. ყოველივე ის, რაც ადამიანს ამაღლებს, აფაქიზებს, ანიჭებს მას მაქსიმალურ შესაძლებლობას თვით დამკვიდრება—წარმატებისათვის, პროგრესიულია, მორალური და მისაღები და, წინამდევ, ყოველივე ის, რაც ადამიანს აქვეითებს და უსპობს პირობებს წარმატებისაკენ, რეგრესიულია, ამორალური და

უკუსადგდები. ადამიანია ცენტრი მსოფლიოსი, მისი ალფა და ომეგა. ოჯახი, ერი, ეროვნული სახელმწიფო მისთვის გვინდა, რომ იქ ადამიანს ეძლევა მაქსიმალური შესაძლებლობანი—იქნეს ქვეშაირიტი ადამიანი. მოსპეთ ადამიანი, წაართვით, რითაც ის ადამიანობს,—თავისუფალი აზრი და გრძობა,—ჩაქედეთ ის მორალურ ხუნდებში, და ცხოვრებას მყისვე აზრი დაეკარგება, უკეთ რომ ვსთქვათ, ის აღარ იარსებებს ადამიანის თვალსაზრისით. და იქ, სადაც ცხოვრება მკვდარია, აბა როგორ შეგვიძლია ვეძიოთ რაიმე ნიშანწყალი დადებითი მოვლენების!

ასეთ უღაბნოს წარმოდგენს დღეს საბჭოების სამეფო. ყოველივე სისხაღლე, რაც კი მოიპოვება ქვეყანაზე, ერთად შეზავებულან და სწრაფად, ძლევა-მოსილად ვითარდებიან იქ. ცარცვა-გლეჯა, გაიძვერობა, ფარისევლობა, დაუნდობლობა და სხვა ასეთი «საქმენი საემირონი» ჩვეულებრივ მოვლენადაა იქ გადაქცეული. ამ საშინელებათა ავტორნი არიან მხოლოდ და მხოლოდ ბატონნი-ბრძანებლები, ხალხი კი, ეს ობიექტი ყოველგვარ უსამართლობათა, გმინავს, იტანჯვის, იხრჩვება და არსაიდან ხსნა, არსად თავშესაფარი.

რომ ეს ყოველივე ქვეშაირიტი, ამას მოწმობს თვით ბოლშევიკური პრესა. ვალაპარაკოთ იგი.

ქართული «კომუნისტი» 20 ოქტ. 1935 წ. ცარცვა-გლეჯის შესახებ მოგვითხრობს: «კლასობრივი მტერი, დამარცხებული პირდაპირ ბრძოლაში, ყველა უბანზე ცდილობს შემპარავი ზიანი მოგვაყენოს სოციალისტური საკუთრების და ქონების განიავებით. ამ მოვლენამ მეტად მწვავე ხასიათი მიიღო სავაჭრო კოლპერატიულ ორგანიზაციებში. 1934 წელს მარტო ცეკავშირის სისტემაში გაფლანგული და გატაცებულია 2.302.000 მან., ხოლო დანაკლისი (რაც თითქმის იგივე გაფლანგვაა) უდრის 1.802.000 მან.


მიმდინარე წლის პირველ ივლისამდე ცეკავშირის სისტემაში გაფლანგულ-გატაცებული თანხების რაოდენობა 2.362.000 მან. შეადგენს.

გაფლანგვას და მტაცებლობას სრულ განადგურებამდე, მიყავს სოფლის და ქალაქის სავაჭრო ქსელის არა მარტო ცალკე პუნქტები, არამედ საფრთხეს უქმნის ზოგი რაიკავშირის არსებობასაც... სავაჭრო კოლპერატიული ორგანიზაციები ჩქმალავენ გაფლანგვას და განიავებას და გამფლანგველები უდარდელად და თავისუფლად დასეირობენ».

იგივე გაზეთი 29 ოქტ. 35 წ. მოგვითხრობს: «კავთისხევის კოლპერატივმა იხარალა 2.395 მან., ქვემოქალის კოლპერატივმა—1.100 მან., კასპის კოლპერატივმა—1.500 მ., თვით რაიკოლპკავშირმა—25.000 მ.

როგორც სავაჭრო წერტებში, ისე თვით რაიკოლპკავშირში, გაფლანგვა და ქონების განიავება ხდება, მაგრამ ამ მდგომარეობას ყურადღებას არ აქცევენ».

ამგვარად, საბჭოთა სამეფოში ცარცვა-გლეჯაა უსახღვრო, რასაც, როგორც გაზეთი ამბობს, «სულ განადგურებამდე მიყავს სოფლის და ქალაქის სავაჭრო ქსელის არა მარტო ცალკე პუნქტები, არამედ



საფრთხეს უქმნის წოგი რაიკავშირის არსებობა-საც».

ზომები ამ ცარცვა-გლეჯის წინააღმდეგ?—არავითარი: «სავაჭრო კოოპერატიული ორგანიზაციები ჩქმალავენ გაფლანგვას და განიავებას და გამფლანგველები უდარდელად და თავისუფლად დასეირნობენ». ეს მცარცველები ცენტრის საიმედო აგენტები ადგილობრივ. ამიტომ მათთვის ყველაფერი ნებადართულია. ხალხი, მისი ქონება მათთვისაა და არა ისინი ხალხისათვის. ამ საგანგებო მდგომარეობას ეს მტაცებელნი უხვად სარგებლობენ და თავის განმანადგურებელ მოქმედებას მარტო კოოპერატივებით არ სახლვრავენ.

ყური დაუფდომთ იმავე «კომუნისტს» 28 ოქტ. 35 წ.: «საბჭოთა საქართველოს აქვს 2 ნახევ. მილიონამდე ჰექტარი ტყის ფართობი. ტყის სამრეწველო ექსპლუატაციაში ძირითადი გადაამწყვეტი წილი საქართველოს ტყეებზე მდის—წლიურად მზადდება 1660000 კუბმეტრი სამასალე მერქანი და შეშა. ხე-ტყის აღნიშნული რაოდენობა მზადდება 1500 ჰექტარი მთლიან საკაფავ ფართობზე და 12.080 ჰექტარი შერჩევით საკაფავ ფართობზე...»

სატყეო სახ. კომისარიატის სისტემამ, რომელიც მთელი რიგი წლების განმავლობაში აწარმოებს საქართველოს ტყეების ექსპლუატაციას, მხოლოდ 1934 წელს მოკიდა ხელი ტყის გაშენების საკითხებს და ისიც არა საკმარისად.

1934 წელს მთლიანად გაიკაფა 1500 ჰექტარი ტყე, ტყის ახალი ნარგავის ფართობი კი მხოლოდ 367 ჰექტარს აღწევს და ამას გარდა გაშენებულია სანერგე 10,6 ჰექტარზე. სატყეო სახალხო კომისარიატის ორგანოები გაიტაცა ხე ტყის დამზადების სახელმწიფო გეგმის შესრულებამ. მაგრამ მათ მიივიწყეს ტყის დაცვა მტაცებლური ექსპლუატაციისაგან. მთელ რიგ რაიონში შეიქნა ტყის მასივების მოსპობისა და სტიქიური უბედურებათა (გვალვა, ნიადაგის გადარეცხვა ნიაღვარისაგან და სხვ.) საფრთხე (კახეთი, ბორჩალო და ტფილისი)».

ამ სტრიქონებს კომენტარები არ ესაქიროება. «მთელ რიგ რაიონებში, როგორც გაზ. ამბობს, შეიქნა ტყის მასივების მოსპობისა და სტიქიურ უბედურებათა საფრთხე». როგორც ერის მიერ შექმნილი, ისე ბუნების მიერ მოცემული დოვლათი ნიავედება. ამ ვანდალიზმში მოსკოვის აგენტები ერთი მეორეს ექიშებიან და ჩვენ უბედურებათა იმიტ ორკეცდება, რომ «ტყის სამრეწველო ექსპლუატაციაში, იმავე გაზ. სიტყვით, ძირითადი გადაამწყვეტი წილი საქართველოს ტყეებზე მდის». საქართველოს მტრებმა კარგად იციან, თუ რა უბედურებაა ქვეყნისათვის ტყეების განადგურება, მაგრამ ამაზე ვინ ფიქრობს. დღეს ხე-ტყის დამზადების სახელმწიფო გეგმა შესრულდეს, მოსკოვი დაკმაყოფილდეს, გეგმის შესრულებელნი «ორდენოსანნი» გახდენ და ხვალ თუგონდ მთელი საქართველო ნიაღვარმა წაიღოს, ან გვალვამ გადაახმოს,—ეს ბოლშევიკებს სრულიებით არ აფიქრებს.

გადავიდეთ სხვა დარგში, ვნახოთ ეროვნული

პოლიტიკა. აქაც ყველაფერი ყირამალაა. ძველი «ცარისტული დერჟიმორღობა» ძალაშია. ადგილობრივი მკვიდრი იდევნება, რუსი იკავებს მის ალაგს. «ჩრდილო-კავკასიაში 18 სამხარეო დაწესებულებაში, სადაც 1.310 მუშაკი ითვლება, ადგილობრივი მკვიდრი მხოლოდ 18 კაცია. თვით სამხარეო აღმასკომში აპარატის 125 მუშაკში ადგილობრივი მკვიდრი მხოლოდ შვიდია. სასოფლო საბჭოებში, რომელთაც მოსახლეობის ძირითად მასასთან უშუალო კავშირი აქვთ, თავმჯდომარეებად მეტწილად დედანაზე წერა-კითხვის უცოდინარენი არიან. ყარაჩაის ოლქში 30 აულ—საბჭოს თავმჯდომარეში დედანაზე წერა-კითხვა არც ერთმა არ იცის. საქმის წარმოება ოლქებში უმეტესად რუსულ ენაზე სწარმოებს» (ქარ «კომ.» 23 ოქტ. 35 წ.).

ასეთი სურათია ყველგან, საითაც არ უნდა გაიხედოთ, ყველგან ბნელა, მზე არსად არ ამუქებს, მძიმე, ნესტიანი, ამბორებული ატმოსფერა გიხუთავს სუნთქვას.

ვნახოთ სასამართლო. «საქმის გაქიანურება ჩვენს სასამართლოში ჯერ კიდევ არ არის აღმოფხვრილი. განა ჩვენში ჯერ კიდევ ცოტაა ისეთი სასამართლო საქმეები, რომლებიც მთელი წლობით და უფრო მეტ ხანასაც კი აქიანურებენ?»

სახალხო მოსამართლეებად მუშაკთა შერჩევას ბევრი ადგილობრივი საბჭოთა ორგანიზაცია არა სერიოზულად ეკიდება. ისინი ხშირად სასამართლოს ორგანოებში სამუშაოდ გზავნიან უვიც ადამიანებს. აქედან წარმოსდგება აბნეული, უაზრო და დგენილებანი... ზოგჯერ სასამართლო კამერა მთელი თვეობით გამოკეტილია, საქმეები გროვდება და თვეობით უძრავად აწყვია.

სასამართლოს მდივნები მეტწილად უვიცი პირებია და სასამართლოს სხდომის ოქმები გაუგებრად იწერება.

სამარყანდში გამართულ ცნობილ პროცესზე გამოიკვება: მდივანი ისე სწერდა ოქმს, რომ ბრალდების მოწმეთა ყველა ჩვენება დაცვის სიტყვებად გადაიქცა» (პრავდა» 4 ნოემ. 35 წ.).

«პრავდა»-ს სიტყვებით, საბჭოების სამეფოში სასამართლოები უვიციების ხელშია და ამ უვიც სასამართლოების კარებიც მთელი თვეობით გამოკეტილია. სამართლის გამჩენი არავინაა და ეს ბუნებრივია. როგორ შეგვიძლია ვეძიოთ სამართალი იქ, სადაც თვითნებობა და ძალადობა ყველაფერია, სადაც ქვეყნის უზენაეს მიზნად ორიოდ პირთა განდიდება გამოცხადებულია. ამ ღვრია სათავიდან ბუნებრივად მომდინარეობს ღვრია ნაკადი: ხალხი უნდა იყვეს ტერორის ქვეშ, დატუქსული, მოკლებული ყოველივე საშვალებას თვითმოქმედების გამოჩენისათვის, რომ ბატონებს თავისუფლად შეეძლოთ თავიანთ ზრახვათა განხორციელება. ასეთ პირობებში ბატონები ყველაფერია, ხალხი არაფერი. ეს გარემოება ჰქმნის მონურ ფსიქოლოგიას თვით ბატონთა იერარქიაში. უნცროსი უფროსის მონაა, მისი კურთხანი, მისთვის მომქმედი. სიამოვნება ბატონის მისი მიზანია, მოიქვენლობა იარაღი. და ეს მოიქვენლობა დღეს საბჭოების სამეფოში პირდაპირ ეპი-

დემიურ სენადაა ქცეული: აქაც თვით ბოლშევიკურ პრესას ვიმოწმებთ.

«პარტიის ოლქოში თავის მდუმარებით აქეზებს თავისი რაიონული განხეთქის ტლანქ მლიქვნელობას რაიონულ და საოლქო ხელმძღვანელთა მიმართ: მაგალითად, გამოდგება თუნდაც ჩელიაბინსკის ოლქის პეტუხოვის რაიონის განუთი, რომელიც გულის ამრევად და სრულიად დაუსჯელად მლიქვნელობს».

«გულის ამრევი და სრულიად დაუსჯელი მლიქვნელობა»,—აი რა ახასიათებს ბოლშევიკურ პრესას. პრესა იმის მაგივრად, რომ ხალხს ემსახურებოდეს, საზოგადოებრივ ქვეშაობრივებას ეძებდეს, სამართლიანობას იცავდეს, უსამართლობას ებრძოდეს, ძლიერთა მლიქვნელობაში ვარჯიშობს. პრესა სარკვე ცხოვრების, დაცემული პრესა დაცემული ცხოვრების მაჩვენებელია. ბოლშევიკური პრესა ამ მხრივ პირდაპირ სამაგალითოა. იქ ცოცხალი ფერადებითაა მოცემული მონური ფსიქოლოგიის სურათი.

მეორე ათეული შესრულება მალე, რაც ბოლშევიკები ბატონობენ. ძალადობით, ხალხის სურვილისა და ინტერესების წინამდევ, ჩაიგდეს მათ ხელისუფლება და ძალადობითვე განაგრძობენ დღემდის ბატონობას. ძალადობას, ტერორს ბოლო არ უჩანს. ხალხის საუკეთესო შვილი მილიონობით შეიწირა მან და დღესაც იწირავს. ქვეყანა გაპარტახებულია მორალურად, ნივთიერად. ამ უდაბნოში ბორბოტნი სულნი დათარეშობენ და მსხვერპლთა სისხლს გაუმაძღრად ეწაფებიან. თუ სადმე სიცოცხლის ნიშანწყალი დაინახეს, მყისვე იქვე არიან, რომ იგი (სიცოცხლე) ძირიან ფესვიანად ამოაგდონ. მლიქვნელი პრესა ამ სიკვდილის მოციქულთ გუნდრუქს უკმევს, ქებათა ქებას ასხამს, ცხოვრების შემომქმედ გმირებად სახავს...

მიუხედავად იმისა, რომ ბოლშევიკური პრესა მონური პრესაა და ცდილობს სინამდვილე დაფაროს, მაინც სურათი, რომელსაც იგი იძლევა, პირდაპირ სასოწარმკვეთელია. თუ ბოლშევიკების ბატონობა კიდევ გახანგრძლივდა, ხალხს სრული განადგურება მოელოს. მაგრამ იმედია ამ უბედურებას ახლო მომავალი თავიდან აგვაცდენს.

ილია ნუღბიძე.

გ ა ნ ა ხ ლ ე ბ უ ლ ი ი რ ა ნ ი

(პოლენუქ ქუტუალებიდან)

I.

ეკონომიური მდგომარეობა.

ჯერ კიდევ, 15-18 წლის წინად, ღღვეანდელი ირანი ყრველმხრივ ჩამორჩენილ აზიურ ქვეყანას წარმოადგენდა, სადაც უცხო ძალები თავს ბატონად გრძობდნენ; ხალხის ავლადიანებას ითვისებდნენ და თავისუფლად დანაწარმდობდნენ. რაც უცხოელთა და გადაშთიელთ განაგრძობდა, იგი შინაური ყაჩაღების და ადგილობრივი სატრაპების ლუკმა ხდებოდა. დაჭრთხალი მცხოვრებნი საღამოს შინით გა-

რთ ვერ გამოდიოდნენ; ერთი პროვინციიდან მეორეში გადასვლა გმირობას უდრიდა. გზაში თავდასხმა, სოფლების აკლბა, ხოცვა-ჟლეტა ჩვეულებრივი ამბავი იყო. გამკითხავი არავინ იყო. ხალხი სიბნელეში და სილატაკეში სულს გმინავდა. ჯოხი და ძალადობა მართულობის ერთადერთ სისტემად იყო გამოცხადებული. რასაკვირველია, ამ ჯოჯოხეთურ პირობების დამყარების სულის ჩამდგმელი ქვეყანაში მოთარეშე გარეშე ძალები იყვნენ. სამხრეთით, კუმიდან მოკიდებული ვიდრე სპარსეთის ყურემდე; ინგლისელები ბატონობდნენ. ჩრდილოეთ პროვინციებში,—თეოანითუტთ—კი რუსები.

საინტერესოა, რომ ოდესღაც მძლავრი ირანის დევრადაცია იწყება მე-18 საუკუნის მიწურულიდან, ე. ი. მაშინ, როდესაც რუსეთი კავკასიას დაეპატრონა და კასპიის გაღმა ველები თავის გავლენის ქვეშ დააყენა. ხოლო კავკასიაში გამაგრების შემდეგ რუსეთის იმპერიალიზმის ინტერესები და მიზნები კიდევ უფრო გაიზარდა: კავკასიის და თურქესტანის პლაცდარმებიდან ახლო აღმოსავლეთზე მიწოლა, სპარსეთ-ოსმალეთის განადგურება და სპარსეთის ყურეზე გამაგრებით ინდოეთ-ბელუჯისტანის საფრთხეში ჩაგდება. ამ მიზნების გასაშუქებლად საინტერესოა, რომ რუსეთმა დიდ ომში სამხრეთ ფრონტზე ყველაზე მეტი ენერგია სპარსეთის მიმართულებით გამოიჩინა და თავისი ლაშქარი ქერმანშაჰ-ქამადანიის ისპაჰანში შეიყვანა და რომ ინგლისის წინამდევობა არა, ბასორაში და ბუშირშიაც თავს ამოყოფდა. ცხადია, ინგლისი (მაშინდელი მოკავშირე) კარგად ხედავდა რუსეთის იმპერიალიზმის ზრახვებს და თავის მხრივ თავდაცვის ზომებს იღებდა.

ამრიგად ორ მძლავრ მოქიშპეთა შორის მოქცეული სპარსეთი, თავის პროვინციალიზმით და ადგილობრივი თვითნება სატრაპებით, გულშემზარავ სურათს წარმოადგენდა: სრული სიბნელე და სილატაკე, პოლიტიკური არარაობა და სულიერი გაჩანაგება—აი რა იყო გუშინდელი ირანი. თვით შაჰინ-შაჰი (მეფეთა-მეფე) რუსის გენერლის და ინგლისელ მაიორის ხელში უბრალო ტყინას უფრო გავდა ვინემ ოდესღაც დიდი ირანის მფლობელთა შთამომავალს.

ასეთ ისტორიულ ვითარებაში, ბუნებრივია, ქვეყანაში მოთარეშე ძალები ყოველ ღონეს ხმარობდნენ, რათა სპარსეთი არ გამოსულიყო სილატაკისა და სიბნელისაგან; არ დასდგომოდა განვითარების და აღორძინების გზას. ასეთი რამ განსაკუთრებით არ უღიმოდა რუსეთის იმპერიალიზმს, რომლის ინტერესები სპარსეთის ჩრდილოეთით იდგა. ირანის აღორძინება და პროგრესი, მისი პოლიტიკური და ეკონომიური წარმატება ნიშნავდა—უცხოთა თარემის ალაგმვას, მოძალადეთა განდევნას, და არამკითხველ აპკუნების გავლენის მოსპობას. ეს ასეც მოხდა... სპარსეთის მთაველებზე გვირინეთ გადაიარა ასი წლით ნადენმა ნიაღვარმა. მისი ერთი ნაკადი სპარსეთის ყურეში ჩაწვა; მეორე კი აღრეული და ჩაკუპრული კასპიის ზღვის მოაშე ტალღებს შეუერთდა. მათგან დამთენილი ქვიშა და სრეში დღეს ირანის საზრუნავ საქმეთ გამხდარა; დიდი და პატარა; ქალი



და კაცი გარეთ გამოსულა. სილა და ხრეშიდან ქვეყანას წმენდენ ახალ ცხოვრებას აგებენ და ირანს დამკარგულ სახელს უბრუნებენ.

უკანასკნელი წლები ირანის ისტორიაში ახალ და ძვირფას ფურცლებს სწორენ. დაიწყო ქვეყნის აღორძინება; ის იტაცებს და ითრევს ხალხის ყველა ფენებს. მასების წინააღიდან ამოადის საუკუნოები იქ დამალული ეროვნული მეობის ნაღვერდები და ის მანათობელ ჩირადნად გაუხდიათ: ქვეყანა კიდიტ კიდიდან შეინძრა. გაჩნდნენ ახალი მრთხონილებანი და პირობები. გაფიქრდა ზნე და გემოვნება. სპარსელმა თავი იგრძნო მოქალაქედ და შეუდგა ახალ ცხოვრების მოწყობას.

დაიწყო ძველის, უფარვისის მოშლა და მის ნანგრევებზე ახალ ვითარების აგება. ამ ეროვნულ ცხოვრების ნგრევა-შენობის ხანაში საჭირო იყო ხელმძღვანელისთვის დიდი ნებისყოფა; დიდი გამჭვირვალობა, რათა სწორ გზას არ გადაცდნოდა და ეროვნული შენობა საფუძველშივე არ დანგრეოდა. მაგრამ დღევანდელი ირანის საბედნიეროდ, მისი ბელადი აღმოჩნდა არა მარტო მეფე, არამედ ნიჭიერი მართველიც. მან უარყო რა ძველი ჩვეულებანი და მართველობის რეაქციონური წესები—ხელუხლებელი დასტავა ეროვნულ ეკონომიკის მთავარი საფუძვლები—კერძო საკუთრება და კერძო თაოსნობა. გაერთიანა პროვინციებად დანაწილებული სპარსეთი და ალაგმა თავაშვებული ფეოდალები და მით გლეხის მეურნეობას მტკიცე საფუძველი ჩაუყარა. ხდება სრული რეორგანიზაცია წარმოებაში და აღმშენებლობაში. ძველ სპარსულ «თაჯარები» ს და «ბაზარდები»-ს ადგილას გაჩნდნენ ტექნიკურად სავსებით მოწყობილი ფაბრიკები და ევროპიულ ყაიდის ფაქტორები. დიდ ქალაქებში თანდათან ქრებიან ძველი «ბაზარდები» და მათთან ერთად დავიწყებას ეცემა მათი ვაჭრობის ლეგენდარული წესები. შინაურ ვაჭრობის რეორგანიზაციასთან ერთად ხდება საგარეო ვაჭრობის გადახალისება; რომელსაც განაგებს ვაჭრობა-მრეწველობის სამინისტრო. ამ მხრივ შესამჩნევ როლს თამაშობს აგერ ესხლა დაარსებული საზოგადოება «ქალა», რომლის მიზანია საქსპორტო დარგების ცენტრალიზაცია, ბრძოლა სპეკულიაციის წინააღმდეგ და ქვეყნის ნაწარმოებისათვის საგარეო ბაზრის მოპოვება.

ცნობილია, რომ სპარსეთი დღემდის წარმოადგენდა ევროპის ბაზარს. იქ არ მოიპოვებოდა არც ერთი ქარხანა; არც ერთი ნაციონალური წარმოება, გარდა ნავთისა. წარმოდგინეთ არ მზადდებოდა არც ერთი კვნიტი შაქარი, არც ერთი არმინი ევროპიული სახის ფართალი: დღესკი ირანში მუშაობს 8 შაქრის ქარხანა—ფერიჯქში, ქერეჯში, ვერამინში, ვანში; ფარსში, შაბადში და სხვაგან; ძაფის—შირანში და შანში; მაუდის ქარხნები—ისპაჰანში. ეს უკანასკნელი განსაკუთრებით მუშაობს სამხედრო საჭიროებისათვის. ქაშანურის (ფაიანსის) ქარხანა და მრავალი სახელოსნოები—თერანში. ყველა ეს ქარხნები ადგილობრივია; ეკუთვნის ან კერძო პირებს; ან სახელმწიფოს...

მთელი ირანი დასერილია საავტომობილო გზე-

ბით. იქ, სადაც 10 წლის წინად მხოლოდ ვიწვებით შეიძლებოდა მოგზაურობა—დღეს ფორდები, სიტროენები, რენო და პეოპები დასრიალებენ, მივარდნილი კუთხეები ფართო გზატკეცილებით ებმინ სატანტო ქალაქს—თერანს. მანძილი შემოკლდა, მიმოსვლა გაადვილდა და უშიშარი გახდა: საქონლით დატვირთული ავტოთა ქარავნები სახეებით დაეპატრონენ აქლემთა ათასწლოვან ქარავნების სავალ გზებს და ამ «უდაბნოს ხომალდთა» ნავთსადგურები—ძველი «ქარავანსარაები»—დღეს დაღვრემილი გამოიყურებიან. ბენზინის რაშებს იგინი აღარ სჭირდებათ; იქ მხოლოდ ექსცენტრიული მოგზაური თუ შეიხედავს. საავტომობილო გზებს დღეს ემატება ტრანსირანის რკინის გზა, რომელიც კასპიის ზღვიდან დაწყებული გადასურის ირანის პლატოს და თერანზე გავლით სპარსეთის ყუბურე ეშვება. მისი სიგრძე 1:500 კილო: უდრის. ხაზის ორივე თავში მოძრაობა უკვე სწარმოებს. ჩრდილოეთით—120 კილომეტრზე, სამხრეთით 350-400 კილომეტრზე; მთელი ხაზის დამთავრება ნავარაუდევია სამ წელიწადში. ამ გზის აღმშენებლობაში დაბანდებულია 100.000 მუშახე მეტი. ზედმეტია იმაზე ლაპარაკი, თუ რა ეკონომიური და სამეურნეო მნიშვნელობა აქვს ამ გზას ირანის მომავლისათვის; მაგრამ ამავე დროს იმას უდიდესი სტრატეგიული მნიშვნელობაც ეძლევა. ის ჰკვეთს რა ირანს ჩრდილოეთიდან სამხრეთით—გაიგლის სახელმწიფოს მთავარ ცენტრებში და მდიდარ პროვინციებში; რომელთა აცმა და ერთი მეორეზე დაკავშირება ასე ძნელი იყო დღემდის.

სპარსეთის შორეულ კუთხეების ცენტრთან მჭიდროდ დაკავშირებამ; პროვინციათა ურთერთ შორის გზატკეცილების ქსელით გადამბეჭამ; ცენტრალურ და ადგილობრივ ადმინისტრაციულ წესების განმტკიცებამ—ირანი მძლავრ ცენტრალურ სახელმწიფოდ გადააქცია: თერანის მთავრობის ავტორიტეტი და ძალა დღეს რეალურ ფაქტორებს—თვითმართველობებს, ადმინისტრაციას და ჯარს—ემყარება. ხანების და ადების ბატონობა მოსპობილია. მათ ადგილას მთავრობის გუბერნატორები და ხალხის ნდობით აღჭურვილი მოხელენი განაგებენ. ამრიგად, სრული წესრიგი და მყუდროება მოქალაქეთათვის უზრუნველყოფილია: ყაჩაღობა და ცარცვა-გლეჯა ალაგმულია: შეგიძლიათ მთელი სპარსეთი უჯოხით მოიარათ—კაცი ხელს არ გახლავს. უეჭველია სპარსელი ამას აფასებს—ამიტომაცა იგი წარსულს წყველის—ახალს ადრდებს.

გზათა მშენებლობა. ქარხნების და წარმოებების გამართვა—ეს აღმშენებლობის ერთი მხარეა. ამასთან პარალელურად შენდება და ლამაზდება დაბაქალაქები; ძველი, ბნელი შენობების და ვიწრო ქუჩების ალაგას იგება და იმართება ახალი სახლები ფართე ქუჩები, გაპყვტ არხები; ცოცხლდება გადამწვარი ხრიოკები, იმსკდა ამომშრალი ხეობები; ხდება რესტავრაცია ისტორიული ძეგლების; მჭიკების—ირანულ არქიტექტურის ამ უკვდავ ნაშთების... აბა, რა იყო გუშინ თუგინდ თერანი? ჯერ კიდევ 1910 წელში, ფრანგ მოგზაურის კლოდ ანეს თქმით, ის «სანაგვე ორმოს წარმოადგენდა»—დიდრი-

დან სადამომდის მტვერში ვახვეული, ვიწრო, ბნელი ქუჩებით და ქუჩებში საშინელი ორმოებით, სადაც ლამის მგზავრი კისერს იტეხდა. მისი ცენტრი—მოედანი «თოფხანე»—შემოდგომიდან ვახაფხულამდე გაუფალი ქაობი იყო. მოედნის ერთი კიდიდან მეორეზე მგზავრები «ამბალებს» ზურგიით გადაყვანდათ და ნიხრათაც ერთი ყრანი ელო. დღეს კი თეირანი მშვენიერი, კაპწია ევროპიული ქალაქია (400.000 მცხოვრებით) თავისი განათებით, ფართო, ასვალტით მოკირწყალულ ქუჩებით და ლამაზი, კოხტა ევროპიული სახლებით, სასტუმროებით, კაფე-რესტორანებით, კაბარეებით და მორთული კინოებით. აბა, რომელ ევროპიულ ქალაქის ქუჩებს ჩამოუვარდებიან—ისტამბული, ნადფი, იუსუპ-აბადის ხეივანი, ფირდოუსი და სხვები? «თოფხანე»—ეს ძველი «თოფხანე». აბა ვინ იცნობს მას დღეს, გალამაზებულს, ასვალტით შემოსილს და, მის შუაგულში, კაპწია ბალით მოკაზმულს? თითქოს თეირანმა საუკუნო ძილიდან გამოიღვიძა, პირის სახე მოიბანა, თმები გადაივარცხნა და პატარძლივით მოიკაზმა!

განა მარტო თეირანი! მას მიყვება ისპაჰანი, ეს ირანის დიდების უკვდავი ძველი, შირაზი, ქამადანი, კუმი უძველეს სამლოცველოებით, კერმანშიაბი თავის ისტორიულ ძეგლებით; კოხტაობს მთელი მაზანდარანის და გილანის პროვინციები: უბრალო დაბები—სარი, შაპი, აბასაბადი, და მრავალი სხვები, ქალაქებად იქცენ,—ახალ ცხოვრებას ხმა მისცეს და საერთო აღმშენებლობაში მტკიცედ ჩაებნენ.

გარეგანი ცვალებადობა შეიქნა შედეგი შინაგან, სულიერ და სოციალურ ცვალებადობის. სპარსელს გასაქანი მიეცა, მის ნიჰს და უნარს ასპარეზი გაეხსნა. აღებ-მიცემობამ, ეკონომიურ აღორძინებამ მატერიალურ კმაყოფასთან ერთად სულიერი საზრდოც მოითხოვა. გუშინ სიბნელით და კულტურით მოცული ქვეყანა დღეს სკოლებით და კულტურულ დაწესებულებებით იფინება. რომ ეს ლიტონ სიტყვებად არ ჩამომერთვის, ჩემს თავს ნებას მივცემ ზოგიერთი ფაქტები მოვიყვანო:

1925 წელს სპარსეთი განათლების საქმეში ხარჯავდა 7.731.380 ყრანს; ხოლო 1934 წ. განათლების ბიუჯეტი ავიდა—47.227.250 ყრ. ამრიგად 9 წლის განმავლობაში ბიუჯეტი შეიძღერ გაზრდილა (ანგარიშია ოქროზე). მეორეს მხრივ, სკოლების რიცხვი 1925 წელს უდრიდა 1085-ს, 1934 წელს კი—4663-ს. აქეოან 3793 ვაყების და 870 ქალების; ხოლო საერთო რიცხვი მოწაფეთი შეადგენდა—216.410-ს.

აგრეთვე საინტერესოა ქალთა ემანსიპაციის ზრდა კულტურულ დარგში: 1934 წელს ირანში ირიცხებოდა 10.410 მასწავლებელი; აქედან 7.305 მამაკაცი და 3.105 ქალი. ეს მაშინ, როდესაც 1912 წელს 1912 წელს 2.034 მასწავლებელზე მხოლოდ 50 ქალი მასწავლებელი მოდიოდა. მაშასადამე 22 წლის განმავლობაში ქალ მასწავლებელთა რიცხვი 62-ჯერ გაზრდილა. თუ მხედველობაში მივიღებთ იმ ვარემოებას, რომ სკოლების და მასწავლებელთა რიცხვის სწრაფი ზრდა იწყება არა 1912 წლიდან, არამედ 1925—27-დან, მაშინ ნათელი გახდება თუ რა ტემპით მიდის წინ ირანის კულტურული აღორძინება. ირა-

ნი არსებობს ერთი უნივერსიტეტი და ერთი ცასულიერო აკადემია.

შემცდარი იქნებოდა, თუ ვიფიქრებთ, რომ ირანი მარტო ადგილობრივი სასწავლებლებით კმაყოფილდებდა. ყოველ წლიურად, მთავრობის ხარჯზე, ევროპის სხვადასხვა ქვეყნებში იგზავნება 500-მდე ახალგაზდა სპეციალურ ცოდნის შესაძენად და საკუთარ ქვეყანაში ევროპიულ განათლების და ტექნიკის შესატანათ.

ამრიგად, სწავლა-განათლებას განსაკუთრებული ყურადღება ექცევა და მის სათავეშია ც ლირსული პირი დგას მინისტრ ჰეკმეტის სახით, რომლის ენერგიას და ორგანიზაციულ ნიჰს მიეწერება ასეთი სწრაფი და ნაყოფიერი წარმატება სწავლა-განათლების საქმეში...

ერთი სიტყვით, ძველი სპარსეთი ახალ ირანად დულდებდა; იქმნება ახალი ერი, ახალი მისწრაფებებით და გარკვეული პერსპექტივებით. ეკონომიურ და კულტურულ აღორძინებასთან ერთად ახლდება და იღვიძებს ძველი ირანის მხედრული ნიჰი. გუშინ ყველასაგან აბუჩად აგდებული სპარსეთი; ევროპაში და ახლო აზიაში ვაქრუკანად ცნობილი—დღეს მეომრის ჩაჩქანში ჯდება. დიდი ხანი არ არის რაც სამძირკველი ჩაეყარა ირანის ახალგაზდა ჯარს და ის დღეს საგრძობ ძალას წარმოადგენს ევროპიულ მომხადებით და გაწვრთნით. ჯარში სამსახური სავალდებულოა ირანის მოქალაქისათვის. სპარსელი ესლა ჰაერშია ც ისე თავისუფლად დანავარდობს, როგორც მის კლდე-ხრიოკიან მიდამოებში. და რაც მთავარია ირანის ფოლადის არწივებს არა ევროპელები მართავენ, არამედ თითონ სპარსელი მფრინავები. ირანის საჰაერო ფლოტი და ჯარი სპარსეთის დიდძლი შვილია, ხალხი იმაში თავის მხსნელს და დამცველს ხედავს, ამიტომაც მთელი ერი მითი ამაყობს.

ყველაფერი ეს ათი წლის ამბავია და მერე რა მდიდარი შედეგებით და ეფექტებით!

X. X.

ვარშავა.

**ემიგრანტულ კრების
მიმართულებათა შესახებ**

ქართულ ემიგრანტულ პრესის ზოგიერთ ორგანოებში უკანასკნელ დროს ყურადღებას იქცევს ერთნაირი მიმართულება, რომელსაც თითქოს მიზნად დაუსახავს განსაკუთრებულად ძებნა და აღნიშვნა უარყოფითი მოვლენების საქართველოს დამოუკიდებლობის ხანისა. ავტორები თითქოს ხელმძღვანელობენ სრულიად სწორი მოსაზრებით, ე. ი. რომ საკუთარი შეცდომების შესწავლა საუკეთესო ჭკუის მასწავლებელია.

ისინი ამბობენ, საქირთა ხალხს ჩაუნერგოთ რწმენა, რომ დავემორჩილეთ მტერს არა იმიტომ, რომ ძალა მის მხარეზე იყო, არამედ და უპირველესად ყოვლისა მხოლოდ ჩვენი საკუთარი სისუსტის გამო. უნდა შევავანებოთ, მიუხედავად იმისა რომ

გარემორტყმული ვართ ძლიერი დამპყრობელი მე-
ზობელთა რკალით, მდგომარეობა ჩვენი არამც და
არამც უნუგეშო არ არისო.

შესაფერისად დარაზმულნი და კარგი ხელმძღვა-
ნელთა მყოფნი თავს ყოველთვის ვუშველით. შე-
გვიძლია დამოუკიდებელი ცხოვრება. ამიტომაც
საჭიროა ჩადენილი შეცდომები შევისწავლოთ და
დასკვნებიც შესაფერისი გავაკეთოთ, რათა მომავალში
თავიდან ავიცილინოთ მათი განმეორებაო.

ასეთი მოსაზრებანი უეჭველად სწორია, მაგრამ
ძლიერ ხშირად ავტორები პრიმიტიულად უდგებიან
საკითხს: ვერ ხედევენ, რომ ძირი და ფესვები შეცდო-
მათა, რომელთა შესახებ არის დაპარაკი, იმყოფება
სადაც შორს დამოუკიდებლობის არსებობის წინა
ხანებში. გარდა ამისა აბობოქრებულ 1918-1921
წლების მოვლენებს დღევანდელი დროის საზო-
მით ზომავენ. ავტორებს აგრეთვე არ აქვთ ყოველ-
თვის საკმაო ისტორიული მასალა თავის განკარგუ-
ლებაში.

იბადება კითხვა, ავტორი, რომელიც აღწერს
1918-21 წ. ეპოქას და მკითხველს აწვდის მხოლოდ და
მხოლოდ უარყოფით მოვლენა-სურათებს ამ ხანისა,
ხომ არ უთხრის მით, თავისდა უნებლიეთ, ძირს
თვით დამოუკიდებლობის იდეას.

რომ ეს უფრო ნათლად გავიგოთ, ჩაუფიქრდეთ
იმას, თუ რა ხანაში ვცხოვრობთ: ვცხოვრობთ ისეთს
დროს, როს ამა თუ იმ მიზეზების გამო დაჯარვით
დამოუკიდებლობა. ასეთს დროს უპირველესად ყო-
ვლისა უნდა ვიმუშაოთ, ვემზადოთ შესაფერისად,
რათა მოვლენანი, რომელნიც გველოდებიან და აუ-
ლებლად დამოუკიდებლობის საკითხს კვლავ რომ
წამოაყენებენ, არ იქნენ ჩვენითვის მოულოდნელნი
და ისევე მოუმზადებელნი არ დავრჩეთ, როგორც ეს
1918 წელს იყო.

უმთავრეს მიზნად ამ მოსამზადებელ ხანისა უნ-
და იქნეს ჩანერგვა ყველას სულსა და გულში იმ აზ-
რის, იმ რწმენის, რომ დამოუკიდებლობა ჩვენი ქვე-
ყნისა არის აუცილებელი და მთავარი მიზანი და
შინაარსი მთელი ჩვენი ცხოვრების. უნდა აღვძრათ
ყველაში მისდამი განუსაზღვრელი ლტოლვა-მის-
წრაფება როგორც უმშვენიერეს და უწმინდეს იდეა-
ლისადმი. შევმოსოთ მისი სახელი ბრწყინვალე შა-
რავეანდელით.

ხოლო როს ვხატავთ საქართველოს დამოუკი-
დებლობის მხოლოდ ბნელ მხარეებს, ნუ თუ ამით
ჩირქს არ ვსცხვებთ თვით დამოუკიდებლობის იდეას?
განა არ შეიძლება აღვძრას, უნებლიეთ დაეხადოს
მკითხველს აზრი, რომ არ ღირს დამოუკიდებლო-
ბისათვის ბრძოლა და მსხვერპლის გაღება, თუ მას
თან დასდევს ამდენი უარყოფითი მხარე.

და დღეს, როს თვითთული ჩვენთაგანის ყოველი
ძალა მიმართული უნდა იყვეს უდიადესი მიზნის მი-
საღწევად, განა გვაქვს უფლება დავასუსტოთ ჩვენი
ძალები მორალურად ასეთი აზრების—განცდების
წარმოშობა-გამოწვევით? განა ასეთი რამ არ იქნება
აგრეთვე მოხერხებულად გამოყენებული ჩვენი მო-
სისხლე მტერთა პროპაგანდის მიერ?

უნდა იყვეს აბოთოზი დამოუკიდებლობის იდე-
ისა, და ამიტომაც მიუღებლად მიგვაჩნია ჩვენი ხე-
ლოვნური სურათის ხატვა ხელოვნურად დაგროვე-
ბულ დამოუკიდებლობის ხანის ბნელ მხარეთა მხო-
ლოდ აღნუსხვით. დამოუკიდებელი საქართველოს
ცხოვრება არ იყო ისეთი, როგორც ამას გვიხატავენ
ზოგიერთი ავტორები. უარყოფით მოვლენებთან ერ-
თად იყო აგრეთვე ნათელი და ბრწყინვალე მოვლე-
ნებიც, როს ვლაპარაკობთ შეცდომებზე, ზედმეტი
არ იქნება ვსთქვათ აგრეთვე რამოდენიმე სიტყვა
მიღწევებზეც. გამარჯვება-მიღწევათა მოვლენას
აქვს ის დადებითი მხარე, რომ ამხნეებს ადამი-
ანს, აძლევს და უმტკიცებს მას რწმენა-იმედს და
ეს ხომ ძლიერ გვესაჭიროება დღევანდელ პირო-
ბებში.

დღე, ტალღამ თავის თავის გაკრიტიკება-გამათ-
რახებისა, რაც ასე ახასიათებს დღევანდელ ემიგრაცია-
ს, არ გადაგვახვევიოს სწორი გზიდან, არ გამოუ-
თხაროს საძირკველი 1918-1921 წ. ეპოქას.

მიუხედავად მოკლე დროისა ამ ეპოქამ უდიდესი
როლი ითამაშა ჩვენი ერის ცხოვრებაში. გამოაღვი-
და ჩვენი ხალხი ლეტარგიულ ძილიდან, გამსჭვალა
მარადისობა-უკვდავების დიადი იდეით. მისცა, აღა-
ფრთოვანა რწმენით ის უთვალავი გმირები, რომელ-
თაც 21 წლის შემდეგ ბრძოლებში სიხარულით და
აღტაცებით მიიტანეს თვისი თავი, თვისი სიცოცხ-
ლე სამშობლოს სამსხვერპლოზე.

დღე, ჩვენც მოგვანიჭოს მან ძალა, ასე საჭირო
ჩვენს მდგომარეობაში. წინამდებე საშინელი დევნი-
სა და რეპრესიებისა საბჭოების მხრით, იდეა დამო-
უკიდებლობის ცოცხლობს და მთელი ქართველი
ერი სწორედ დღეს არის გამსჭვალული და ან-
თებული ამ იდეით. ამიტომაც მეტის რიდით და
მოწიწებით მოვეპყრათ ჩვენი დამოუკიდებლობის
ეპოქას.

თუ მაინცდამაინც გვსურს ჭკუა ვისწავლოთ ჩა-
დენილ შეცდომებიდან, უკეთესი და უფრო მიზანშე-
წონილი იქნებოდა შეგვესწავლა საფუძვლიანად შე-
ცდომები იმ დროისა, რომელიც უსწრებდა 1918 წ.-
ხანას. ეს უფრო ლოგიკური იქნებოდა. ვინაიდან
დღესაც, როგორც წინედ, ვემზადებით დამოუკიდე-
ბლობისათვის. ამიტომაც შევისწავლოთ და გავეც-
ნოთ კარგად იმას, თუ რა უსწრებდა ჩვენში დამოუ-
კიდებლობას, რათა არ გავიმეოროთ ის შეცდომები,
რომელთა მიზეზით წაგებულ იქნა 1921 წლის ომი.

ასეთი კვლევა-ძიება უფრო რაციონალური და
სადი იქნება; აგვიხელს თვალებს წარსულ შეცდო-
მებზე და არ შეგვაბღალავიებს დამოუკიდებლობის
იდეას. ხოლო დამოუკიდებლობის დროს ჩადენილ
შეცდომების განკრძალვა შეგვეძლება მომავალშიც,
დღეს კი შემოვკრბეთ ყველანი ერთად და ნუ ვფან-
ტავთ, ნუ ვაჩანაგებთ ჩვენს ისედაც მცირე ძალებს.

დ. შ.

ვარშავა. 1936, თებ.

ი ა პ ო ნ ი ა ლ ა ჩ ი ნ ე თ ი

(იაპონელ გენერალ ტადას გუგუა)

ერთს ფრანგულ ყოველთვიურ გამოცემაში დაიბეჭდა თარგმანი იაპონელთა ჯარის უფროსის ჩრდილო ჩინეთში გენერალ ტადას (პაიაოს) მიმართვისა იაპონელების მიმართ. ეს მიმართვა შედგენილია არა პროპაგანდისტისთვის უცხოელთა შორის, არამედ მხოლოდ იაპონელების საყურადღებოდ, განსაკუთრებით იმ იაპონელებისა, რომლებიც გაფანტულნი არიან ჩინეთში (400 ათასამდე); და არკვევს იაპონელთა სამხედრო წრეების პოლიტიკურ შეხედულებას და საგარეო პოლიტიკას საერთოდ და კერძოდ ჩინეთის შესახებ. იაპონიის პოლიტიკის მთავარი ხელმძღვანელი დღეს სამხედრო პირები არიან და ჩვენ საპიროდ მიგვაჩნია გავაცნოთ ჩვენს მკითხველებს დასახელებული მიმართვის შინაარსი, რომელიც უქვეყნად ფრიად სასარგებლო მასალაა შორეულ აღმოსავლეთის ამქების ვასაგებებას.

ყოვლის უწინარეს გენ. ტადა ასე ახასიათებს დასავლეთ-ევროპელების მოქმედებას შორეულ აღმოსავლეთში: «იმ დღიდან, როცა დასავლეთელები დაბინავდნენ შორეულ აღმოსავლეთში, თეთრ სახელმწიფოთა პოლიტიკა ჩინეთში მიმართული იყო იმისკენ, რომ ან დაენაწილებიათ უკანასკნელი, ან დაეწესებიათ საერთაშორისო კანტროლი, ან გაეფართოვებიათ მუდამ თავის გავლენის სფეროები, ან ეწარმოებიათ საკომერციო ბრძოლა და მიეღოთ კონცესიები. ამის ცოცხალ მაგალითს დღესაც ბევრს ვხედავთ. მართალია, აგრესიოზობის ფორმები შეიცვალა, მაგრამ საქმის ნამდვილი ვითარება იგივე დარჩა—თეთრები სულ იმას ცდილობენ, რომ რაც შეიძლება მეტი შეიძინონ ჩინეთის ექსპლოატაციით. წინამდებ ამისა იაპონია ყოველთვის ახარცილებდა თავის ნაციონალურ პოლიტიკას, რომელიც მდგომარეობს იმაში, რომ დაცულ იქმნეს მთლიანობა ჩინეთის ტერიტორიისა. აგრეთვე მგვარობის პრინციპი და ჩინეთ-იაპონიის თანამშრომლობა ორივე ერთს არსებობის დასაცავად და ურთერთის კეთილდღეობისათვის».

ტადა აღიარებს, რომ ხანდახან იაპონელთა შორისაც გაისმოდა ხმა, რომელიც არ ეთანხმებოდა ამ მიმართულებას: ზოგიერთები ჩინეთის ანექსიას მოითხოვდნენ. ამ გარემოებამ დიდი ზიანი მოუტანა იაპონიას და ჩინელთა უნდობლობა და მტრობა გამოიწვია. უნდა დავეუბრუნდეთ ამიტომ ჩვენს პირვანდელს პოლიტიკას.

«თვალი გადავავლოთ იმ საერთაშორისო ვითარებას, რომელიც ხდება ჩვენს თვალსწინ. დავინახოთ დიდი საერთაშორისო ცვლილება, ზრდა საპროტესტო მოძრაობისა თეთრი რასის ერების ტირანიისა და იმპერიალიზმის წინამდებ. ეს არის დასაწყისი რასათა ომისა, რომელიც მიმართულია ფერად რასების განსათავისუფლებლად, რომლებიც დედა-მამის განკუთრებით უმრავლესობას შეადგენენ. ესენი უნდა მკითხვისუფლდნენ მოსოფლისაგან და უნდა განხორციელდეს მშვიდობა და თანასწორობა ყველა ადამიანთა შორის. ეს საერთაშორისო მდგომარეო-

ბის გარდაქმნა არის დასაწყისი ომისა, წმინდა სულიერი ომისა, რომელიც აღმოსავლეთის ზნეობრივი ცივილიზაციის წყალობით სწორ გზაზე დააყენებს და გამართავს დასავლეთის მატერიალისტურ ცივილიზაციას.»

ამ საქმის შესრულება განგებამ იაპონიას დააკისრა და უკანასკნელი კიდევ შეუდგა ამას. ამიტომ იყო, რომ დაეხმარა მანჯუკუოს ახალი სახელმწიფოს შესაქმნელად, გამოვიდა ნაციონალური ლიგიდან და უარპყა ვაშინგტონის საზღვაო ხელშეკრულობა. ამისთვისვე სჭირია იაპონიას ძლიერი, კარგად შეიარაღებული ჯარი.

ამ დიდს დანიშნულებას უნდა ეთანხმებოდეს იაპონიის პოლიტიკა ჩინეთში. მისი მიზანია ერთიანი ექსპანსიის გაგრძელება და ამავე დროს აზიის ერების განთავისუფლება თეთრი ტირანიისაგან. მოაზრება მათვის კეთილ მოწყობილი ცხოვრებისა და პატივისცემა მათი დამოუკიდებლობისა. ამრიგად დამყარდება ჩვენსა და ამ ერებს შორის თანხმობა და თანამშრომლობა, პირდაპირი განუყვეთელი ურთიერთობა პოლიტიკური, ეკონომიური და მილიტარული, რაიც სამუდამოდ დაუკავშირებს ამ ერებს იაპონიის იმპერიას.

ჩინეთ-იაპონიის ურთიერთობის მოწესრიგება არის პირველი საქმე იაპონიის დიდი დანიშნულების გზაზე. გამარჯვება თუ დამარცხება ჩინეთში არკვევს და სახლგარეშს შემდეგი გეგმების განხორციელებას.

უნდა მივაქციოთ ყურადღება. თუ რამ წარმოშვას ის სენი, რომელიც აუქლურებს და ღუპავს ჩინეთს. მრავალი საუკუნის განმავლობაში ჩინელ ხალხს გამუდმებით ავიწროვებდნენ და ჩაგრავენდნენ სახელმწიფოს მართველები, მსხვილი შემამულეები და პლუტოკრატები. ამ გაბატონებულ წრეებს არასოდეს შეუწყუხებიათ თავი ხალხის გაჭირვების შესამსუბუქებლად. რესპუბლიკის დაწესების შემდეგ ახალი მხაგრელები გაჩნდნენ—ომის ბატონები. ბოლო დროს ხალხის ძარცვა-გლეჯა კიდევ უფრო გააძლიერეს კუომინტანგის მილიტარისტებმა, რომელთა სათავეში გენერალი შიანგ კაი-შეკია, აგრეთვე შეკიანგის პროვინციის პლუტოკრატები. ეს სამხედრო პირები და ბანდიტები ერთი მეორეს მოსდევნენ და ყოველგან გაჭირვებას და უწყესებას ამყარებენ. სრფლები განადგურდნენ და გლეხებს ისლა დარჩენიათ მხოლოდ, რომ ან ყაჩაღებს შეუერთდნენ ან კომუნისტებს.

უქვეყნია, რომ ჩინეთის დღევანდელი უბედურების მთავარი პასუხისმგებელი შიანგ კაი-შეკია და ნანკინგის მთავრობაა. ამათი საშინაო პოლიტიკა ხალხის ძარცვა და ჩურევა, ხოლო საგარეო—ერთი სახელმწიფოს მეორეს საწინააღმდეგოდ დაპირისპირება. განსაკუთრებით აღსანიშნავია ნანკინის მთავრობის მტრული დამოკიდებულება იაპონიასთან, რომელსაც ბევრი კარგი საქმე გაუკეთებია ჩინეთის სათვის და რომლის წყალობით იყო, რომ ჩინეთი გადარჩა დანაწილებას. ამას იგიწყებენ ნანკინის მართველები, იაპონიის საქონელს ბოიკოტს უცხადებენ და ვერ მიმხვდარან იმას, რომ ჩინეთს უიაპონიოთ არსებობა არ შეუძლია. ქრშმართლად ამათგან არ



დან საღამომდის მტვერში გახვეული, ვიწრო, ბნელი ქუჩებით და ქუჩებში საშინელი ორმოებით, სადაც ღამის მგზავრი კისერს იტყებდა. მისი ცენტრი—მოედანი «თოფხანე»—შემოდგომიდან გაზაფხულამდე გაუვალი ქაობი იყო. მოედნის ერთი კიდიდან მეორეზე მგზავრები «ამბალებს» ზურგით გადაყავდათ და ნიხრათაც ერთი ყრანი ედო. დღეს კი თეირანი მშვენიერი, კაპწია ევროპიული ქალაქია (400.000 მცხოვრებით) თავისი განათებით, ფართო, ასვალტით მოკირწყლულ ქუჩებით და ღამაზი, კონტა ევროპიული სახლებით, სასტუმროებით, კაფე-რესტორანებით, კაბარებით და მორთული კინოებით. აბა, რომელ ევროპიულ ქალაქის ქუჩებს ჩამოუვარდებიან—ისტამბული, ნადერი, იუსუპ-აბადის ხეივანი; ფირდოუსი და სხვები? «თოფხანე»—ეს ძველი «თოფხანე». აბა ვინ იცნობს მას დღეს, გაღამაზებულს, ასვალტით შემოსილს და, მის შუაგულში, კაპწია ბალით მოკაზმულს? თითქოს თეირანმა საუკუნო ძილიდან გამოიღვიძა, პირის სახე მოიბანა, თმები გადაივარცხნა და პატარძალივით მოიკაზმა!

განა მარტო თეირანი! მას მიყვება ისპაპანი, ეს ირანის დიდების უკვდავი ძეგლი, შირაზი, ქამადანი, კუმი უძველეს სამლოცველოებით, კერმანშაჰი თავის ისტორიულ ძეგლებით; კონსტანტინოპოლის მანანდარანის და გილანის პროვინციები: უბრალო დაბები—სარი, შაჰი, აბასაბადი, და მრავალი სხვები, ქალაქებად იქცენ.—ახალ ცხოვრებას ხმა მისცეს და საერთო აღმშენებლობაში მტკიცედ ჩაებნენ.

გარეგანი ცვალებადობა შეიქნა შედეგი შინაგან, სულიერ და სოციალურ ცვალებადობის. სპარსელს გასაქანი მიეცა, მის ნიჭს და უნარს ასპარეზი გაეხსნა. აღებ-მიცემობამ, ეკონომიურ აღორძინებამ მატერიალურ კმაყოფასთან ერთად სულიერი საზრდოც მოიტხოვა. გუშინ სიბნელით და უფიცობით მოცული ქვეყანა დღეს სკოლებით და კულტურულ დაწესებულებებით იფინება. რომ ეს ლიტონ სიტყვებად არ ჩამომერთვას, ჩემს თავს ნებას მივცემ ზოგიერთი ფაქტები მოვიყვანო:

1925 წელს სპარსეთი განათლების საქმეში ხარჯავდა 7.731.380 ყრანს; ხოლო 1934 წ. განათლების ბიუჯეტი ავიდა—47.227.250 ყრ. ამრიგად 9 წლის განმავლობაში ბიუჯეტი შვიდჯერ გაზარდილა (ანგარიშია ოქროზე). შეორეს მხრივ, სკოლების რიცხვი 1925 წელს უდრიდა 1085-ს, 1934 წელს კი—4663-ს. აქეოან 3793 ვაყების და 870 ქალების; ხოლო საერთო რიცხვი მოწაფეთი შეადგენდა—216.410-ს.

აგრეთვე საინტერესოა ქალთა ემანსიპაციის ზრდა კულტურულ დარგში: 1934 წელს ირანში ირიცხებოდა 10.410 მასწავლებელი; აქედან 7.305 მამაკაცი და 3.105 ქალი. ეს მაშინ, როდესაც 1912 წელს 1912 წელს 2.034 მასწავლებელზე მხოლოდ 50 ქალი მასწავლებელი მოდიოდა. მამასადამე 22 წლის განმავლობაში ქალ მასწავლებელთა რიცხვი 62-ჯერ გაზარდილა. თუ შევდევლობაში მივიღებთ იმ გარემოებას, რომ სკოლების და მასწავლებელთა რიცხვის სწრაფი ზრდა იწყება არა 1912 წლიდან, არამედ 1925—27-დან, მაშინ ნათელი გახდება თუ რა ტემპით მიდის წინ ირანის კულტურული აღორძინება. ირა-

ნში არსებობს ერთი უნივერსიტეტი და ერთი ც სასულიერო აკადემია.

შემცდარი იქნებოდა, თუ ვიფიქრებთ, რომ ირანი მარტო ადგილობრივი სასწავლებლებით კმაყოფილდება. ყოველ წლიურად, მთავრობის ხარჯზე, ევროპის სხვადასხვა ქვეყნებში იგზავნება 500-მდე ახალგაზდა სპეციალურ ცოდნის შესაძენად და საკუთარ ქვეყანაში ევროპიულ განათლების და ტექნიკის შესატანათ.

ამრიგად, სწავლა-განათლებას განსაკუთრებული ყურადღება ექცევა და მის სათავეშია ც ღირსეული პირი დავს მინისტრ ჰეკმეტის სახით, რომლის ენერჯიას და ორგანიზაციულ ნიჭს მიეწერება ასეთი სწრაფი და ნაყოფიერი წარმატება სწავლა-განათლების საქმეში...

ერთი სიტყვით, ძველი სპარსეთი ახალ ირანად დღედება; იქმნება ახალი ერი, ახალი მისწრაფებით და გარკვეული პერსპექტივებით. ეკონომიურ და კულტურულ აღორძინებასთან ერთად ახლდება და იღვიძებს ძველი ირანის მხედრული ნიჭი. გუშინ ყველასაგან აბუხად ავდებული სპარსეთი; ევროპაში და ახლო აზიაში ეპურუკანად ცნობილი—დღეს ეკონომიის ჩაჩქანში ჯდება. დიდი ხანი არ არის რაც საძირკველი ჩაეყარა ირანის ახალგაზდა ჯარს და ის დღეს საგრძნობ ძალას წარმოადგენს ევროპულ მომზადებით და გაწვრთნით. ჯარში სამსახური სავალდებულოა ირანის მოქალაქისათვის. სპარსელი ეხლა ჰაერშია ც ისე თავისუფლად დანავარდობს, როგორც მის კლდე-ხრილიკიან არწივებს არა ევროპიულ მართავენ, არამედ თითონ სპარსელი მფრინავები. ირანის საჰაერო ფლოტი და ჯარი სპარსეთის ღვიძლი შვილია, ხალხი იმაში თავის მხსნელს და დამცველს ხედავს, ამიტომაც მთელი ერი მითი ამაყობს.

ყველაფერი ეს ათი წლის ამბავია და მერე რა მდიდარი შედეგებით და ეფექტებით!

X. X.

ვარშავა.

ემიგრანტულ პრესის მიმართულიებათა შესახებ

ქართულ ემიგრანტულ პრესის ზოგიერთ ორგანოებში უკანასკნელ დროს ყურადღებას იქცევს ერთნაირი მიმართულება, რომელსაც თითქოს მიზნად დაუხანავს განსაკუთრებულად ძებნა და აღნიშვნა უარყოფითი მოვლენების საქართველოს დამოუკიდებლობის ხანისა. ავტორები თითქოს ხელმძღვანელებენ სრულიად სწორი მოსაზრებით, ე. ი. რომ საკუთარი შეცდომების შესწავლა საუკეთესო ჭკუის მასწავლებელია.

ისინი ამბობენ, საქორთა ხალხს ჩაუნერგოთ რწმენა, რომ დავემორჩილეთ მტერს არა იმიტომ, რომ ძალა მის მხარეზე იყო, არამედ და უპირველესად ყოვლისა მხოლოდ ჩვენი საკუთარი სისუსტის გამო. უნდა შევავანებოთ, მიუხედავად იმისა რომ

ანგკაი-შეკი თითქოს ებრძვის. მაგრამ ნანკინგის ბრძოლა წითლების წინამდევ ყოველთვის უწყალო იქნება, რადგან ბლოშევიზანები მოკალათებუნი არიან თვით კუმუნისტანის პარტიაში და შიანგ კაი-შეკის და მის მიმყოფთა მეთოდი, მოქმედება, ორგანიზაცია არაფერში განირჩევა კომუნისტურისაგან. კომუნისტებში მოსიპობა ჩინეთში მხოლოდ მაშინ, როცა შეიცვლება ადმინისტრაცია და გაუმჯობესდება ხალხის მდგომარეობა. რუსეთის ბლოშევიკები ესმარებიან ჩინელ კომუნისტებს და ცდილობენ გამოიყენონ ისინი ჩვენს წინამდევ საბრძოლველად. ისიც უდავოა, რომ ნანკინგი ფარულ მოლაპარაკებას აწარმოებდა მოსკოვთან...

ამგვარად ვიდრე შიანგ კაი-შეკი და მისი დამქაშნი ბატონობენ ჩინეთში, შეუძლებელია რაიმე მეგობრული ურთიერთობა იაპონიასთან იმ ტერიტორიისა, რომელიც მათ ექვემდებარება. გამოსავალი ერთია: ჩვენ სამოთხე უნდა მოვაწყოთ ნანკინის გავლენის ზონის გარეშე და ნელნელა ისე უნდა განვავითაროთ და წარვმართოთ იგი, რომ მისმა მაგალითმა ახრი შეაცვლევინოს დანარჩენს ჩინეთს. ჩინეთის ჩრდილოეთია ის ადგილი, სადაც უნდა დამკვიდრდეს ეს სამოთხე და სადაც ჩინელების და იაპონელების თანხმობამ, თანამშრომლობამ, ერთმანეთის დახმარებამ ორთავე მხარეს დიდი სარგებლობა უნდა მოუტანოს. იაპონიის, მანჯუკუუს და ჩრდილო ჩინეთის მტკიცე ბლოკი დაამყარებს მშვიდობიანობას შორეულ აღმოსავლეთში.

დასასრულ გენერალი ტადა იგონებს იაპონიის შეცდომებს შორეულ და ახლობელ წარსულში (ცინგ-ტაოს აღება 1914 წ. და ციმბირის ექსპედიცია 1918 წ.) და ამბობს: «თუ დღევანდელი ექსპანსია, როგორც მანჯუკუუს დაარსება და ჩინეთის განვითარება ჩაიფუშა, არამც თუ უნდა წავიდეთ კონტინენტიდან, არამედ დაისმება საკითხი მთელი ჩვენი ერის ბედისა». ჩვენი სახელმძღვანელო დებულება უნდა იყოს: უნდა გვქონდეს გაბედული გონიერება, რომელიც წინ მიდის, რაც უნდა დაბრკოლება შეხვდეს; ჩვენ ვერ მივალწევთ იაპონიის და ჩინეთის თანაარსებობის და წარმატების განხორციელებას, თუ უწინარეს ყოვლისა არ აღვიჭურვით შეწყალების დიდ-სულოვნობით და არ ვიქნებით უმწიკვლონი; ყურადღებას არ უნდა ვაქცევდეთ უშუალო, სადღეისო სარგებლობას და არ ვიმოქმედოთ მეტად აჩქარებით, გავყვეთ არჩეულ გზას ნელ-ნელა.

იაპონელებს უნდა გვქონდეს სამი სათნოება: სამართალი, მოთმინება და სიმხნევე.

შვირილი ამერიკიდან

«ან მოსკოვი ან ვაშინგტონი უნდა იყოს სატახტო ქალაქი ჩვენი მთავრობისა; ან კომუნისტში ან ინდივიდუალიზმში უნდა იყოს ეკონომიური საძირკველი ჩვენი ქვეყნისა; ან ბინძური, სულთამხუთავი ჰაერის სუნთქვა კომუნისტურ რუსეთისა ან წმინდა სიო თავისუფალ ამერიკისა; ან ჩვენი ვარსკვლავიანი თავისუფალი დროშა ან უღვთო წითელი ბერილი საბჭოებისა»-ო...

ასე გაათავა პრეზიდენტ რუზველტის და მისი რეჟიმის წინამდევ მიმართული სიტყვა დემოკრატების პარტიის ძველმა ბელადმა ალფრედ სმიტმა 25 იანვარს ვაშინგტონში, «ამერიკის თავისუფლების ლიგა»-ს ბანკეტზე, რომელსაც დაესწრო სამი თასამდე წევრი ამ საზოგადოებისა და რომლის რადიო-აუდენცია მილიონებმა მოისმინეს.

ასეთი ალტერნატივა, რასაკვირველია, მეტად გადაქარბებულია. ამერიკას არავითარი ეკონომისტება არ მოეღის არც ზევიდან (მთავრობისაგან) და არც ქვევიდან. მაგრამ ეს იყო სმიტის მოქნილი გალაშქრება პრეზიდენტ რუზველტის გაბედულ ექსპერიმენტების წინამდევ. მართალია, სამი წლის წინედ პრეზიდენტი «გათამაშა», კომერციული ანგარიშებით, კრემლის მართველებს, მაგრამ უკანასკნელებმა, როგორც სხვაგანაც, აქაც «მეგობრობა» ვერ გაიტანეს და დღეს გარიყულნი არიან...

გუბერნატორ სმიტის საჩუქარში მიმართული იყო პრეზიდენტის შინაური ეკონომიური მოქმედების წინამდევ. სმიტი პრეზიდენტს აბრალებს შეერთებულ შტატების კონსტიტუციის დარღვევას. შტატების უფლებების უზურპაციას; უკანონო ექსპერიმენტების ცდას, დემოკრატების პარტიის პლატფორმიდან გადადგომას; ვასოციაციის ტებას; დაქირავებულთა და დამქირავებელთა ერთმანეთზე გადაციდებას და სხ... რამდენიმე თვემ გაიარა, რაც მთელი შეერთებულ შტატების საზოგადოება დიდი ინტერესით მოელოდა ამ ბანკეტს და მისი სულის ჩამდგმლის ა. სმიტის სიტყვას, რომლის შინაარსი არავინ იცოდა, მხოლოდ ფიქრობდენ, რომ მთავრობის საწინამდევო იქნებოდა.

რატომ იყო ეს მოვლენა ასეთი საყურადღებო იმიტომ რომ—ამბობენ: სმიტის გამოსვლა პრეზიდენტ რუზველტს დაამარცხებს დემოკრატების მომავალ ივნისის კონფერენციაზე და თუ იქ გავიდა, მომავალ წლებში პრეზიდენტობადაც გავაო. უმრავლესობა არ მოელოდა კიდევ, რომ ორი დიდი ძველი მეგობარი და დემოკრატიული პარტიის ბურჯები ერთმანეთს დაუპირდაპირდებოდენ, რადგან წლების განმავლობაში ორივე ერთმანეთის დამხმარენი იყვნენ. სმიტი ასახელებდა რუზველტს საპასუხისგებო თანამდებობაზე და გაყავდა: ნიუორკის შტატის სენატში, ნიუორკის შტატის გუბერნატორად და სხვა. სამაგიეროდ რუზველტმა სამჯერ წამოაყენა სმიტი დემოკრატების კონფერენციებზე საპრეზიდენტო კანდიდატად. უკანასკნელად 1928-ში რუზველტმა სმიტი კიდევაც გაიყვანა, მაგრამ რესპუბლიკანელების კანდიდატმა ჰერბერტ ჰუვერმა არჩევნებში დაამარცხა...

ღარიბი ოჯახიდან გამოსული, გაზეთ-ჟურნალების ქუჩაში გამყიდველი, მხოლოდ დაბალ სასულიერო სკოლა დამთავრებული, სმიტი ადრე იჩენს თავის ნიჭს პოლიტიკაში. ის ადრე ხდება ნიუორკის შტატის პალატაში წარმომადგენელად, პარტიის ბელადად და ბოლოს ოთხჯერ ირჩევენ ნიუორკის შტატის გუბერნატორად (ამ თანამდებობაზე ის ლიბერალად და კარგ გუბერნატორად ითვლებოდა), სამამ თვითონ არ დაანება თავი და ფრანკლინ რუზ-



ველტს, ახლანდელ პრეზიდენტს, არ «დაუთმო». საერთოდ სმითი ეფექტიანი მოლაპარაკება, მაგრამ მისი სიტყვა დიდ შინაარსს მოკლებულია. 25 იანვრის ბანკეტზე ის კარგი კრიტიკოსი იყო. «მე არა ვარ ასპირანტი და კანდიდატი არავითარი ოფისისა», დაიწყო მან: «მე არა მაქვს არაფერი საწინამდევო პირადად არც ერთი პიროვნებისა შეერთებულ შტატებში... მაგრამ არავის მივცემ ნებას, რომ ჩასწიხლოს ჩვენი ქვეყნის კონსტიტუცია და დემოკრატიების პარტიის პლატფორმა»-... მერე აიღო ამ პარტიის მიერ 1932 წლის კონფერენციაზე მიღებული პლატფორმა, როდესაც ფ. რუზველტი საპრეზიდენტო კანდიდატად იყო ამორჩეული, და მუხლ მუხლად გაარჩია და პრეზიდენტის მოქმედებას დაუპირდაპირა...

მისი სიტყვა, მოკლედ თუ ვრცლად, ყველა გაზეთებში დაიბეჭდა და ყველამ კომენტარები გაუკეთა. თითქმის ყველა უპარტიო და სმითის მოწინააღმდეგე რესპუბლიკანელების გაზეთებიც მის სიტყვას აქებენ. «სმითმა სთქვა, რასაც მილიონები ფიქრობენ»-... ოემოკრატების გაზეთები კი თითქმის შვაში გაიყო. შესაძლებელია უმრავლესობა პრეზიდენტის მომხრე იყოს. დემოკრატების ცნობილი «ნიუორკის ტაიმი», საერთოდ მთავრობის მხარის დამჭერი, თავის მოწინავე წერილში ამბობს, რომ ა. სმითმა დიდი ზიანი მიაყენა პრეზიდენტს და მის რეჟიმს. სმითის ოპოზიცია ბევრ თეთრ თმას გაურევს მთავრობის დამცველებს.

სამი კვირის წინ ბანკეტზე გამოსვლამდე, სმითი რუზველტმა სადილზე მიიპატიჟა, მაგრამ სმითმა უარი შეუთვალა. ეს ინციდენტი იმის მომასწავებელი იყო, რომ სმითი პრეზიდენტის წინამდევ გაილაშქრებდა. მაშინათვე მის მოპასუხედ დემოკრატების კონგრესის ლიდერი იოსებ რობინსონი იქნა არჩეული, რომელმაც 29 იანვარს სადამოს რადიოს საშვალელებით სმითის სიტყვას უპასუხა. ი. რაბინსონი თავის დალაგებულ (გაზეთის ცნობით, პრეზ. რუზველტის მდივნის მიერ დაწერილ) სიტყვაში სმითის სხვადასხვა დროს წარმოთქმულ სიტყვებიდან ამტკიცებდა, რომ ის, სმითი, თავის სიცოცხლეში იმ პრინციპებზე იდგა, რომელსაც ახლა პრეზიდენტი რუზველტი ემსახურება. და სმითმა კი ახლა მდიდარ მრწველთა ვაგონით ამ პრინციპებს თვითონ გადაუხვიაო... რასაკვირველია, ნაწილი სიმართლისა ორივეს განცხადებაშია, მაგრამ სმითის მიერ მოხდენილი ეფექტი უკვე დაწყებულ საპრეზიდენტო კამპანიაში როლს ითამაშებს. უკვე ცხადია, რომ პრეზიდენტი რუზველტი ყოველივე ღონით შეეცდება, ისევე აირჩიონ. ეს საპრეზიდენტო კამპანია თვით პრეზიდენტმა დაიწყო სამ იანვარს, როცა კონგრესი (სენატი და ქვედა პალატის წარმომადგენლები) მოწვეულ იქნა არაჩვეულებრივად ერთად და ისეც სადამოს, რომ პრეზიდენტის მისამართი სიტყვა რადიოს საშვალელებით მრეველს ერს მოესმინა. შეერთებულ შტატების ისტორიაში ეს მომხდარა მხოლოდ ერთჯერ, როცა პრეზიდენტმა ვილსონმა მოიწვია კონგრესი სადამოს და როცა ომი გამოეცხადა გერმანიას...

პრეზიდენტი რუზველტის მოწინააღმდეგედ ბევრი კანდიდატი გამოჩნდება იმავე დემოკრატების პარტიიდან, რომ, როგორც სმითმა თქვა, «შეაჩერონ» პრეზიდენტი. ჯერჯერობით ასეთია გეორჯის შტატის გუბერნატორი ევგენი ტალმაგი, პრეზიდენტის «ახალ რეჟიმის» მტერი.

აქაურ წესით ამ დიდი თანამდებობის ასპირანტი ადრე გამოყავთ მის მეგობრებს პოლიტიკურ სტენაზე და საშვალეებს აძლევენ, თავი გააცნოს ქვეყანას კონფერენციის მოწვევამდე, სადაც ყწდება კანდიდატების ბედი. ყველა შტატიდან პარტიული დელეგატები ჩამოდიან დანიშნულ ქალაქში (ამ წელს დემოკრატების კრება არის იენისონ ქალაქ ფილადელფიაში და რესპუბლიკანების—ივლისში ქალაქ კლივლანში), სადაც რვაასამდე დელეგატი ასახელებს და კენჭს უყრის კანდიდატებს, სანამ ვინმე არ მიიღებს დამსწრეთა ხმის ორ მესამედს...

რესპუბლიკანებიც ემზადებიან დიდი ენერგიით მომავალ ნოემბრისთვის, ფიქრობენ, რომ მათ კარგი შანსი აქვთ ამ წელს მოუგონ დემოკრატებს (სხვა პარტიებზე არ ვლაპარაკობთ, რადგან დიდი პოლიტიკური წონა არა აქვთ არჩევნებში). 28 იანვარს პოლიტიკაში ცნობილმა ძველმა სენატორმა ვილიამ ბორამ (70 წლისაა) თავის საარჩევნო სიტყვით, როგორც ამერიკელები იტყვიან, «ქუდი ჩაადგო» საკამპანია არენაში. ეს მემარცხენე რესპუბლიკანელია, პოპულიარული როგორც სენატორი, მაგრამ საექვოა, რესპუბლიკანელების კონფერენციაზე გავიდეს. მას მოყვა კოლონელი ფრანკი კნოკი, ჩიკაგოში გაზეთის გამომცემელი, პოლიტიკაში არა ახალი... უფრო საყურადღებოდ ითვლება ზომიერი რესპუბლიკანელი კანსას შტატის გუბერნატორი ალფრედ ლანდონი. მან თავი გაითქვა თავის შტატის ბიუჯეტის მოწესრიგებით, რაც ახლანდელ დროში არა ხშირია...

ეფიქრობთ, ეს მოკლედ თვალის გადავლება ამერიკის პოლიტიკისა მეტი არ იქნება, რადგან დღეიდან პრეზიდენტის არჩევამდი შეითხველი ხშირათ დიანახავს პრესაში აქ მოხსენებულ სახელებს და ამ ორ დიდ პარტიათა (დემოკრატების და რესპუბლიკანელების) ბრძოლას...

საყურადღებოა კიდევ ერთი მოვლენა ამერიკის პოლიტიკურ ეკონომიურ მდგომარეობის, როგორც შედეგი დეპრესიისა. ეს არის ექიმ ტოუნენდის «მოხუცებულთა პენსია».

ეს «პროგრამა» ნამეტანი მარტივია, ჯერ-ჯერობით, მხოლოდ ორი მუხლი აქვს (ამიტომ ზოგი კითხვა გამოურკვეველია): პირველი—ყოველ პიროვნებას, ვინც სამოცი წლისაა და მეტის, მიეცეს თვიურად ორასი დოლარი იმ ვალდებულებით, რომ ეს ფული ყოველთვის დახარჯოს. მეორე—მთავრობამ ამ ფულის მისაღებათ, რომელიც ოცდასუთ მილიარდამდე აღწევს წლიურად, ორი პროცენტი გადასახადი დაადოს ყოველ ფინანსიურ ტრანსაქციას.

ფრანცისი ტოუნენდი არის ყოფილი სოფლის ექიმი 67 წლისა, წყნარი, თავდადებული და პირად პოლიტიკურ ამბიციებს მოკლებული. ის თავის სიცოცხლეში დაუღალავად მუშაობდა, სიბერისთვის

ცოტა შეინახა, მაგრამ ეს ქონება 1929-ში, როგორც ბევრ სხვას, მასაც დაეკარგა. მან იუქიქრა: «რა უსამართლობაა, მთელი სიცოცხლე მუშაობ, მთელ ძალღონეს საზოგადოებას შესწირავ და ბოლოს არაფერი გავაჩნია, ან იშოვნე და დაგეკარგება. ამას სჯობია ყოველი ხანში შესული პირი იყოს სახელმწიფოს მიერ უზრუნველყოფილი»-ა.. ალბათ, ეს აზრი არა ერთს და ათასს მოსვლია თავში, მაგრამ მხოლოდ ექიმმა ტოუზენდმა თქვა ეს სხამაღლა და ფანტიკოსური ენერგიით თავის აზრის განხორციელებას შეუდგა. დასწერა პატარა წიგნი, რომელიც 25 სენტად გაყიდა. აქიდან აღებული დანასხები ფული ისევ ამ აზრის პროპაგანდას მოახმარა. თან დამხმარენი გამოუჩნდა და დღეს, ამ სულ მოკლე ხანში, მის მიმდევრად ითვლება ხუთი ათასზე მეტი კლუბი ათ მილიონ წევრით და რამოდენიმე ასი ათასი დოლარის ფონდით. დღეს ექიმ ტოუზენდის ოფისი თვით ვაშინგტონშია და მისი მიმდევრებისა ყოველ დიდ ქალაქებში. ზოგიერთ შტატებში მისი პლატფორმით წარმომადგენელნიც არიან არჩეულნი. თვით კონგრესის წევრებს შეკითხვები დაეგზავნა— მომხრე ხართ ამ გეგმისა თუ არაო...

რასაკვირველია, ამას ბევრი მოწინააღმდეგე ყავს: ეს ყოველად ფანტასტიურია, მთელი ეკონომიურ-ფინანსიურ აპარატს ძირიანფესვიანად გადააბრუნებს და დაამსხვრევსო...

ასე თუ ისე, ეს მოვლენა უკვალოდ არ გაივლის. ბევრი «დიდი» კანდიდატი იძულებულია ანგარიში გაუწიოს. მაგალითად, სენატორ ბორამ თავის «საპრეზიდენტო» სიტყვაში განაცხადა, რომ ექიმ ტოუზენდის 200 დოლარი თვეში ნამეტანია, მაგრამ მე მომხრე ვარ სამოციასო...

სამი თებერვლის აქაურ გაზეთებში პირველ გვერდზე მოთავსდა ცნობა ლონდონიდან, რომ საბჭოების საგარეო კომისარს მაქსიმე ლიტვინოვს საჯაყი საქმე დაემართათ: საერთოდ მიღებულია წესი, რომ მეფის ნაამბობი საიდუმლოდ უნდა დაიცვა. ლიტვინოვმა კი ქვეყანას ამცნო, რასაც ედუარდ მეორე ელაპარაკაო. ამან ინგლისელები ძალიან გააჯავრაო. თურმე სხვათა შორის მეფეს უკითხავს, რატომ იყო საჭირო რუსეთში რევოლუციის მოხდენაო, რატომ მოკალით მეფეო და სხვა. ლიტვინოვს ამ ცნობის განცხადებას ისიც დაუმატია, რომ ახალი მეფე «მედიოკრი» (საშვალო) ახალგაზდა ინგლისელი ყოფილა. რომელიც მხოლოდ ერთ გაზეთის ცნობით იკვებებო... ასეთი მოქცევა კომისარისა «ნიუორკის ტაიმის» ცნობით, ბევრს ვერ დაეხმარება საგარეო მინისტრ ედენს, რომელიც ცდილობს, რუსეთი თავის მხარეზე იყოლიოს გერმანიის საწინააღმდეგოთ, რადგან ამ ცდას ინგლისის ზოგიერთი წრეები მხარს არ უჭერენო...

ამ დღეებში აგრეთვე ცნობები იყო, რომ მეფე ედუარდმა ხაზგასმით ყველაზე მეტი ყურადღება გერმანიის საგარეო მინისტრს კონსტანტინე ფონ ნეირატს მიაქცია და ესაუბრაო. განსაკუთრებით თვალსაჩინო იყო, ეს რადგან სხვები უყურებდნენ და თავის ჯერს უცდიდნო...

ნაური.

**ქართველთა დღესასწაული
ზოგადულ აღმოსავლეთში**

ხარბინელი ქართველები დღესასწაულობენ «ქართველთა საზოგადოების» არსებობის ოცდაათი წლის თავს. აღსანიშნავი დღეა და დარწმუნებული ვართ, ყოველი ქართველი, სადაც უნდა იყოს იგი, სიხარულით მიეგებება ხარბინის მოძმეთა დღესასწაულს.

უცხოეთში ჩვენ არსად მოგვეპოვება ისეთი ძლიერი და მტკიცე ორგანიზაცია, როგორც შექმნეს ქართველებმა ზოგადულ აღმოსავლეთში. ხარბინის «ქართველთა საზოგადოება» ღონიერია ქონებრივად და ეს ქონება მან შეიძინა არა ვისიმე ქველმოქმედების წყალობით, არამედ ყველას ერთსულოვანი დახმარებით და მუშაობით. «საზოგადოება» ფართოდ აწარმოებს ეროვნულ კულტურულ-განმანათლებელ მოღვაწეობას—და ქართული სკოლის, სამკითხველოს, მოხსენებების, საღამოების სახით მხნედ იცავს ქართველობას გადაგვარებისაგან, აღვიძებს და აღიერებს ეროვნულ შეგნებას, აცნობს უცხოელთა ქართველის სახეს. იგი ამავე დროს საქართველოს პოლიტიკურ სახელმწიფოებრივ ინტერესებსაც ემსახურება და ყოველთვის და ყველასთან მაღლა აჭვს ამართული ქართველი ერის დამოუკიდებლობის დროშა. იგი არასოდეს ივიწყებს თავის ძვირფას სამშობლოს და მთელი მისი სული და გული მარად მასთანაა...

ჩვენი რედაქცია მხურვალე საღამოს მიუძღვნის მანჯუკუოს ქართველობას და გულითადად უსურვებს მათ «საზოგადოებას»—მტკიცედ განაგრძოს თავისი ღირსეული მოღვაწეობა, უფრო გაფართოვდეს, განვითარდეს იქაურ ქართველობის საკეთილდღეოდ და კვლავინდებურად ერთგულად ემსახუროს ეროვნულ წმინდა საქმეს.

საქართველოს საკითხი

იმ კამათის გამო, რომელიც დღეს სწარმოებს საფრანგეთის დეპუტატთა პალატაში რუსეთ-საფრანგეთის პაქტის დამტკიცების გარშემო, ყურნალი «Gringoire» მოიგონებს, თუ როგორ ვერაგულად მოეპყრა რუსეთი საქართველოს, როგორ ხელშეკრულება დასდვა მასთან და მერე თავს დაესხა, გაიხსენებს იმასაც, რომ საქართველოს დამოუკიდებლობა იცვნეს ალიებმა—საფრანგებმა, ინგლისმა, იტალიამ, იაპონიამ და ბელგიამ. აგრეთვე იმასაც, თუ როგორ ერთსულოვანად და ენერგიულად იცავდნენ ყოველთვის საქართველოს რესპუბლიკის სუვერენიტეტს საფრანგეთის მთავრობანი. აღნიშნავს განსაკუთრებით ჰერიოს სიტყვებს, რომელმაც 1922 წ. მოსტოვო პუნქარეს, რათა საფრანგეთის მთავრობამ ყოველთვის იმოქმედოს საქართველოს დამოუკიდებლობის აღდგენისათვისო.

ბოლოს «Gringoire» ასე ათავებს წერილს: «1924 წ. 28 ოქტომბერს საფრანგეთის მთავრობის თავმჯდომარემ ჰერიომ იცნო მოსკოვის მთავრობა, ხოლო



არ დაივიწყა, რომ არ შელახულიყო ვალდებულება საქართველოს მიმართ. ქართველ ერს არ მიუღია და არც როდისმე მიიღებს საბჭოთა ხელისუფლებას, რომელმაც დაარღვია ხელშეკრულება და ძალით დაიკავა საქართველოს ტერიტორია. ვიდრე რუსეთ-საფრანგეთის პაქტს დაამტკიცებდნენ, დეპუტატები საფრანგეთისა, რომლებიც ყოველთვის ტრადიციული დამცველები იყვნენ ჩაგრულ ერებისა, ვალდებულნი არიან მოსთხოვონ მოსკოვს—მზადაა თუ არა გაიყვანოს თავის ჯარი საქართველოდან ან ყოველ შემთხვევაში მისცეს ქართველ ერს ნება თავისუფლად გამოსთქვას თავისი აზრი ერთა ლიგის კანტროლის ქვეშ, იმ ერთა ლიგის, სადაც ლიტვინოვი ასე მხურვალედ ექომაგება აბისინიას.

რას პფიქრობს ამის შესახებ პერიო?»

ჩვენ უკვე ვიცით, თუ რას პფიქრობს პერიო. იმან თავგამოდებულად დაიცვა პალატაში საბჭოთა მთავრობა და გაამართლა ყოველი მისი მოქმედება.

ქართველ მანდილოსანთა კითხილი სახმი

ორიოდე კვირაა მას შემდეგ რაც ქართველმა მანდილოსნებმა ბოლოს და ბოლოს განახარციეს, რაც ყოველ ემიგრანტის პირველი საქმე უნდა ყოფილიყო აქ—უცხოეთში: მათ დაარსეს ქართული კერა, სადაც ქართველი პატარა ბავშვები ისწავლიან ქართულ ენას, მოზრდილები კი გაეცნობიან სამშობლოს. მის ისტორიას, ლიტერატურას, გაეცნობიან ჩვენი სამშობლოს ბუნების სიუხვეს და სილამაზეს და შეიყვარებენ მას შესაფერად. უკვე დაწყებულია მუშაობა, მაგრამ სამწუხაროდ ჯერჯერობით ძლიერ ცოტა ესწრება ვაკვეთილებს. მართალია ყველა ჩვენგანი გაპირებებს განვიცდით, არავის გვაქვს დრო და შესაძლებლობა, მაგრამ რაა ეს ხელმოკლეობა და გაპირებება იმასთან შედარებით, როდესაც ქართველ ბავშვებს უფროსებისავე წყალობით ავიწყდებათ სამშობლო, დედა-ენა და ყოველივე ქართული.

თუთხმეტი წლის განმავლობაში ურთიერთშორის კინკლაობაში და გაუტანლობაში ჩვენ მამაკაცებს თითქმის დაგვაიწყდა, რომ არსებობს რაღაც საერთო ჩვენი შემეკავშირებელი და ჩვენი გამაერთიანებელი—ესაა ქართველი ახალგაზღვრება, ქართული კერა. და აი ესლა ჩვენი მანდილოსნები შეეცადნენ ამ ჩვენი დანაშაულის გამოსწორებას. ჩვენი მოვალეობაა, ყოველნაირად დავეხმაროთ ჩვენ ქალებს ამ წმინდა საქმეში და მატერიალურად თუ მორალურად გავამხნევოთ. მივმართავთ ყველა ქართველ ოჯახს, რათა სერიოზულად მოეკიდნენ ამ საქმეს და თავის წმინდა მოვალეობად ჩასთვალონ, კვირაში ორჯერ აუცილებლად მიიყვანონ ბავშვები ქართული კერაში, რომ ისწავლონ მშობლიური ენა, შეიგნონ ქართველობა, შეიყვარონ საქართველო.

მშობელთა ერთი ჯგუფი.

ს ა ქ უ რ ა დ ლ ე ბ ი ლ

დანამდვილებით შეიძლება ითქვას, რომ არც ერთი ერის ლტოლვილები საფრანგეთში არ სარგებლობენ ისეთს პატივსა და ყურადღებას, როგორსაც ჩვენი ლტოლვილები; ეს ალბათ იმიტაც აინსნება, ნაწილობრივად, რომ ჩვენ, დღეს დღეობით, აქ მეტი მფარველი და დამცველი არა გვყავს. ასევე დანამდვილებით შეიძლება ითქვას ისიც, რომ ასეთ ყურადღებას და პატივს ჯეროვანად ვერ ვაფასებთ და ხშირად ისეთ გამოსვლებს ვახდენთ, სამწუხაროდ, რაც აქაურ წესს, კანონებს და ჩვეულებებს ეწინააღმდეგება. ამგვარი მეტად არასასიამოვნო მოვლენა იწვევს დიდ უკმაყოფილებას აქაურ ხელისუფლების ორგანოებში და ეს უკმაყოფილება იმდენად გაიზარდა ამ ბოლო დროს, რომ ქართველ ლტოლვილთა ინტერესების დაცვა მეტის მეტად ძნელი შეიქმნა და მალე შეიძლება ისეთსაც ვეღარ დავეხმაროთ, რომელსაც არაფერი ბრალი აქვს, მაგრამ საკმარისი არის, რომ ის ქართველია, საბედნიეროდ რასაც ხევით ვსწერთ, ენება კალონიის დიდ უმცირესობას, მაგრამ აქაური ხელისუფლება იმით მსჯელობს, რასაც ხედავს. და ხედავს კი ბევრ არა სასურველ ფაქტს. თუ სხვას ვერაფერს ვაკეთებთ საქართველოსათვის, იმას მაინც ნუ ვიზამთ, რომ მას სახელი გაუტეხოთ ჩვენი შეუფერებელი გამოსვლებით და მასთან ერთად ფეხქვეშ გაეთელოთ ფრანგთა თანაგრძნობაც და სტუმართმოყვარეობაც...

მივმართავთ კალონიის წევრებს და ვსთხოვთ, რომ ერთი წამითაც ნუ დაივიწყებენ იმ უაღრესად დიდ მოვალეობას, რომელიც მათ აწევთ. ე. ი. პატივისცემა და მორჩილება იმ ქვეყნის კანონებისა და ტრადიციებისა, რომელმაც მიგვიღო და ყურადღებით გვეპყრობა. წინამდებ შემთხვევაში «ქართველი» და «არასასურველი»—სინონიმი გახდება, რაც დიდად შეუშლის ხელს ოფისს თუ კალონიის სხვა ორგანოს დაიცვან ინტერესები ქართველი ლტოლვილებისა.

ოფისის დირექტორი ს. ახათიანი.

ქართველები ამერიკაში

თევზე მეტია, რაც ერთ ნიუიორკის დიდ რადიო სადგურში ქართველ ქალის ქმარი უკრაინელი ბენ დიმიტრი კორნიენკო თავის მშვენიერი ორკესტრით მართავს ყოველ კვირა ნასადილევს კონცერტებს «ორიენტალურ მუსიკის» სათაურით. სხვათა შორის ქართულ ნუმრებსაც ასრულებს, მოკლე მოხსენების წარძღვნით საქართველოსა და მის მუსიკაზე.

რადგან ეს კულტურული მისი მუშაობა მეტად საყურადღებოა და ხელის შეწყობის ღირსია, და რადგან ქართულ მუსიკის რეპერტუარი მას ცოტა აქვს, —ვთხოვთ მკითხველს, ვისაც შეუძლია: მოგვიცოს, ან გვათხოვოს, ან გვაცნობს სად იზოგება ქართული ნოტები. დიდად მადლობელი დავრჩებით. მისამართი «დამ. საქ.»—«ნაური»-ს გადასაცემად. ნაური.

ძაკთველ მწერალთა და მუშაკანლისტთა

პ რ ე ს ს ა

ასოციაციის კავება

16 თებერვალს შესდგა პარიზში მცხოვრებ ქართველ მწერალთა და მუშაკანლისტთა ასოციაციის წლიური კრება; კრებას დაესწრო 17 წევრი. მოსმენილ იქნა შემდეგი საკითხები:

1. გასული წლის ანგარიში.
2. შოთა რუსთაველის საიუბილეო წლის თავის მოწყობა და
3. ახალი გამგეობის არჩევნები.

ასოციაციის თავმჯდომარის (გ. გვაზავას) მოხსენებიდან გამოიკვია, რომ დღემდე ასოციაციას ვერ გამოუჩენია ჯეროვანი აქტიობა; საანგარიშო წლის განმავლობაში მას გაუმართავს მხოლოდ ერთი დილა ვაჟა-ფშაველას გარდაცვალების დღიდან 20 წლის თავის აღსანიშნავათ. წევრებიც მეტად გულგრილად ყოფილან განწყობილნი ასოციაციის მიმართ, ბევრს მათგანს საწევრო ფულიც არ გადაუხდია.

მოხსენების შემდეგ გაიმართა მსჯელობა შესახებ ასოციაციის მოღვაწეობისა. კრებამ ერთხმად დაადგინა დაევალოს ახალ გამგეობას მოაწყოს მოხსენებები ქართულ ძველ და ახალ ლიტერატურაზე, ისტორიაზე და ხელოვნებაზე, გამართოს ლიტერატურული გასამართლებები და იზრუნოს ქართული ბიბლიოთეკის მოწყობისთვის.

წევრებს დაუბრუნებდა ახალი საწევრო ბარათები ერთი წლის ვადით (ვისაც საწევრო ფული არა აქვს გადახდილი, იგი თანახმად წესდებისა ავტომატიურად კარგავს წევრობის უფლებას). ახალი წევრების მიღება ხდება გამგეობის დადგენილებით.

კრებამ გამგეობას დაავალა შექნას განსაკუთრებული კომისია, რომელიც გამგეობასთან ერთად შეიმუშავებს შოთა რუსთაველის გადაცვალებიდან 750 წლის თავის აღსანიშნავ დღესასწაულის გეგმას და შესაფერისად მოაწყობს თვით დღესასწაულს.

დასასრულ ფარული კენჭის ყრით არჩეულ იქნა გამგეობა შემდეგი შემადგენლობით: გ. გვაზავა (თავმჯდომარე), ი. ზურაბიშვილი, ი. ქაჯეიანიძე, ა. მანველიშვილი და ს. ბერეჟიანი.

X.

ძაკთველავი საზრანგეთში

2 თებერვალს შესდგა საფრანგეთში მყოფ ქართველთა საზოგადოების კრება, რომელმაც აირჩია ოფისის საბჭო (ბ.ბ. ავ. ჩხენკელი, ზ. ავალიშვილი და დ. სხირტლაძე) და განიხილა და დაამტკიცა გამგეობის და სარევიზიო კომისიის ანგარიშები. კრებამ კვლავ აირჩია ისევე ძველი გამგეობა, ხოლო მიუმატა ერთი ახალი წევრი ბ. რ. გაბაშვილი.

სსე. კავებას-ის უკანასკნელ ნუბერში დაბეჭდილია საყურადღებო წერილი სტეფანია სკოჩენის იმ მხურვალე მონაწილეობის შესახებ, რომელსაც პოლონელები იღებდენ მთიელთა ბრძოლაში შამილის დროს. პოლონელები ფრიად დაინტერესებულნი იყვნენ ამ ბრძოლით, რადგან ფიქრობდენ, რომ ეს დაეხმარებოდა მათი სამშობლოს განთავისუფლებას. მრავალი პოლონელი გარბოდა რუსის ჯარიდან და მიდიოდა შამილთან. პოლონელი ემიგრაცია გაძლიერებულ პროპაგანდას ეწეოდა უცხოეთში შამილის სასარგებლოდ და ცდილობდენ, რომ ევროპის სახელმწიფოებს მხარი დაეჭირათ მთიელებისთვის, განსაკუთრებით ინგლისს. ამ მუშაობას ხელმძღვანელობდა ადამ ჩარტორისკი.

«1841 წ. ჩარტორისკის მთავარი დიპლომატურე აგენტი აღმოსავლეთში იყო მიხალ ჩაიკოვსკი. იგიც, ისე როგორც პოლონელ ემიგრაციის უმრავლესობა, უდიდეს ყურადღებას აქცევდა კავკასიას, რომელსაც სთვლიდა მომავალ სამხედრო მოქმედებათა ასპარეზად. მაგრამ ამასთანავე მეტს მნიშვნელობას აძლევდა კახაკთა მასების აქტივობას და მათთან ერთად საერთო შეტევას რუსეთზე. ამიტომ მისი მოქმედება უფრო აქეთვე იყო მიმართული.

«ჩარტორისკის მეორე აგენტი ალექსანდრე ვერემჩინსკიკი, უფრო, აგრე ვსთქვათ, ქართული ორიენტაციის მომხრე იყო—საქართველოს ანტირუსული გამოსვლების, და მიზნად დაისახა კავშირის დაჭერა ქართველ ემიგრაციასთან და ამის დახმარებით აჯანყების მოწყობა საქართველოში. ამ გეგმის განხორციელება ვერ მოხერხდა, რადგან ვერემჩინსკი მალე გარდაიცვალა.»

იმავე ქურნალში მუხაჯირი კმაყოფილებით აღნიშნავს, რომ მთიელთა ძველი ემიგრაცია მორალურად, იდეურად ყოველთვის კავკასიის განმათავისუფლებელ მუშაობასთან იყო დაკავშირებული და დღესაც არის. ხოლო ამას დასძენს:

«უფრო რთულია ძველი ემიგრაციის აქტივური მონაწილეობის საკითხი და მაშასადამე საკითხი კადრების მომზადებისა და ორგანიზაციისა, რაიც ასე საჭიროა ჩვენი მიზნის მისაღწევად. საქმეს აბრკოლებს ემიგრაციის მდგომარეობა იმ ქვეყნებში, სადაც მან თავშესაფარი პოვა. აღსანიშნავია ყოვლის უწინარეს ის ასამილაციური მისწრაფება, რომლითაც ვამსუკვალულნი არიან ეს ქვეყნები».

გაერთიანებული საბრთლობისად შეინიშნავს, რომ რუსეთი კვლავ დაიწყებს გაწევას ახლობელ აღმოსავლეთისკენ და ამ მხრის სახელმწიფოები პირდაპირ დაინტერესებულნი უნდა იყვნენ, რომ მათსა და რუსეთს შორის არსებობდეს დამოუკიდებელი კავკასია.

«ამ სახელმწიფოთა ინტერესი სრულებით არ მოითხოვს, რომ გადაავარონ, ეროვნული თვითშეგნება მოუსპონ თავის კავკასიელ ქვეშევრდომებს. პირიქით ხელი უნდა შეუწყონ კავკასიელთა პატრიოტიზმის გაძლიერებას, რადგან ამით დაეხმარებიან კავკასიის განთავისუფლებას».